


文獻通考

三百十二之三十四



一	一	一	漢書門
〇	〇	〇	類
冊	架	函	號
一	一	一	一
〇	〇	〇	〇
冊	架	函	號

內閣文庫	漢	二九六
元	函	一〇〇
千	架	一

內閣文庫	漢	11568
冊數	100	(91)
函號	294	1





文獻通考卷之三百十二

淺草文庫

宋鄱陽馬端臨貴與著

明蘄陽馮天馭應房校刊

物異考

豕禍

左傳齊襄公田于具丘見豕從者曰公子彭生也公怒射之豕人立死而啼公懼墜車傷足喪履劉回以為近豕禍也未幾公為公孫無知所弑

漢昭帝元鳳元年燕王宮永巷中豕出園壞都竈師古曰園者養豕之牢也

都竈豕炊之大銜其鬣六七枚置殿前鬣古劉向以為近豕禍

也時燕王旦與長公主左將軍謀為大逆暴急無道竈者生養之本豕而敗竈陳黼於庭黼竈將不用宮室將廢辱也燕王不

改卒伏其辜京房易傳曰衆必不安君政厥妖豕入居室

文獻通考卷之三百十二

吳孫皓時野豕入右司馬丁奉營此豕既也後奉見遣攻穀陽無功而反皓怒斬其導軍及舉大眾北出奉及萬彧等相謂曰若至華里不得不各還也此謀泄奉時已死皓殺其子溫家屬皆遠徙豕禍之應也龔遂曰山野之獸來入宮室宮室將空又其象也

晉懷帝永嘉中壽春城中有豕生兩頭而不活周馥取而觀之時識者云豕北方畜胡狄象兩頭者無上也生而不遂也天戒若曰勿生專利之謀將自致傾覆也周馥不寤遂欲迎天子令諸侯俄為元帝所敗是其應石勒亦尋渡淮百姓死者十有其九

元帝建武元年有豕八足此聽不聰之罰又所任邪也是後有

劉隗之變

成帝咸和六年六月錢塘人家豕音加壯豕也豕產兩子而皆人面

如胡人狀其身猶豕京房易傳曰豕生人頭豕身者危且亂合此豕豕而產異之甚者也

孝武帝太元十年四月京都有豚徒輝反一頭二脊八足

十三年京都人家豕產子一頭二身八足並與建武同妖也是後宰相沉酗音句反不恤朝政散用事漸亂國綱至於大壞也

劉聰末年犬與豕交于相國府門又交于宮門又交司隸御史門有豕著進賢冠升聰坐大冠武冠帶綬與豕並升俄而闕苑殿上宿衛者有見其入者劉曜時武功豕生犬

隋文帝開皇末涇南有沙門三人行投墮於人場圃之上夜見犬豕來詣其所小豕從者十餘謂沙門曰阿練我欲得賢聖道然猶負他一命言罷而去賢聖道者君上之所行也皇太子勇當嗣業行君上之道而被囚廢之象也一命者言為煬帝所殺

開皇末渭南有人寄宿他舍夜中聞二豕對語其一曰歲將盡
阿耶明日殺我供歲何處避之一答曰可向水北姊家因相隨
而去天將曉主人查家不得意是宿客而詰之宿客言狀主人
如其言而得豕其後蜀王秀得罪帝將殺之平樂公主每臣救
得坐後數年而帝崩歲盡之應

唐貞觀十七年六月司農寺豕生子一首八足自頸分為二
貞元四年二月京師民家有豕生子兩首四足首多者上不一
也是歲宣州大雨震電有物墮地如豬手足各兩指執赤班蛇
食之頃之雲合不復見近豕禍也

元和八年四月長安西市有豕生子三耳八足自尾分為二足
多者下不一也

咸通七年徐州蕭縣民家豕出園舞又牡豕多將隊里羣豕而
行復自相噬齧

符六年越州山陰民家有豕入室內壞器用銜案缶置水次
廣明元年絳州稷山縣民豕生如人狀無眉目耳髮占為邑

宋乾道六年南雄州民家豕生數豚而首各備他獸形亦有
首者占為邑有

紹熙二年三月辰州叙浦縣常平倉放墻壁為羣豕所穴食

米五十石餓食人食近不

慶元初饒州樂平縣民家豕生豚與南雄豕既同占而更且
獸語京房妖占曰豕生人頭豕身危且亂

三年四月饒州餘干州民豕生八豚其二為鹿福州古田縣民
生嬰兒為豕所食皆不既也

羊

史記魯定公時季桓子穿井得土缶得蟲若羊

在盂之屬近

羊禍也羊者地上之物出於土中象定公不用孔子之言而聽季氏暗昧不明之應一曰羊去野外而拘土缶者象魯公失其鹿而拘於季氏亦將拘於家臣也是歲陽虎囚季桓子後三年虎劫公伐孟氏兵敗竊寶玉大弓出亡

晉成帝咸和二年五月司徒王導廐羊生無後足此羊禍也京房易傳曰足少者下不勝任也明年蘇峻破京都導與帝俱幽石頭是其應也

隋文帝開皇十二年六月饒昌楊悅見雲中二物如羝羊黃色大如新生犬鬪而墜悅獲其一數旬失所在近羊馘也洪範五行傳曰君不明逆火政之所致也狀如新生犬者羔類也雲體掩蔽邪佞之象羊國姓羔羊子也皇太子勇既升儲即晉王陰殺之而被廢黜二羔鬪一羔墜之應也

恭帝義寧二年麟遊太守司馬武獻羊羔生而無尾時議者以為楊氏子孫無後之象是歲煬帝被弑恭帝遜位又太原獻羝羊無頭而不死

唐開元二年正月原州獻肉角羊二年三月留平縣有肉角羊會昌二年春代州崞縣羊生二首連頸兩尾占曰二首上不一也

咸通三年夏定陶民家羊生羔如犢乾符二年洛陽建春門外因暴雨有物墮地如羝羊不食頃之入地中其跡月餘不滅或以為雨土也占曰當旱

南漢劉鋹時苑中羊吐珠宋紹興五年江東西羊大疫班固以為暑歲羊多疫死及為怪十七年汀州羊生無角

嘉定九年信州玉山縣羊生駢角

犬異

春秋左氏傳襄公十七年十一月甲午宋國人逐狝狗狝狗也
狝狗入於華臣華元國人從之臣懼遂奔陳先是臣兄閱為宋
卿閱卒臣使賊殺閱家宰遂就其妻宋平公聞之曰臣不唯其
宗室是暴大亂宋國之政欲逐之左師向戌曰大臣不順國之
耻也不如蓋之謂掩覆其事也公乃止華臣抗暴失義內不自安故犬
禍至以葬亡也

朔烈王二十七年乙亥五月晉有三大火率衆犬數萬聚于絳
殺一犬於東方一犬于西方

漢高后八年三月被霸上師古曰被者除惡之祭也音廢還過枳道見物如倉
狗機高后掖師古曰機謂狗持之也音廢忽而不見上之趙王如意
為崇遂病掖傷而崩先是高后鴆如如意支斷其母戚夫入手
足摧其眼以為人彘師古曰摧謂擊去其精也摧音口角反凡言摧者皆豕之別名

文帝後五年六月齊雍城門外有狗生角師古曰雍城門者齊門名也春秋左氏傳

平陽之役趙武及秦周伐雍門之狄是也先是帝兄齊悼惠王亡後帝分齊地立其

庶子七人皆為王師古曰謂齊孝王將閭濟北王志菑川王賢膠東王雄渠膠西王卬濟南王辟光并城陽

恭王喜是為七王兄弟並疆有炕陽心故犬既見也犬守禦角兵象在

前而上鄉者也師古曰鄉讀曰嚮此下亦同犬不當生角猶諸侯不當舉兵

鄉京師也天之戒人蚤矣師古曰蚤古早字諸侯不寤後六年吳楚畔

濟南膠東膠西三國應之舉兵至齊齊王猶與城守與讀三國日豫

圍之會漢破吳楚因誅四王故天狗下梁而吳楚攻梁狗生角

於齊而三國圍齊漢卒破吳楚於梁誅四王於齊京房易傳曰

執政失下將害之厥妖生角君子苟免小人陷妖狗生角

景帝三年二月邯鄲狗與彘交悖亂之氣犬豕之禍也師古曰悖惑也

音布內反是時趙王遂悖亂與吳楚謀為逆遣匈奴求助兵卒

伏其辜犬兵革失衆之占如淳曰犬吠守似兵革外附它類失衆豕北方匈奴之

通言失聽交於異類以生害也京房易傳曰夫婦不嚴厥妖
則與豕交茲謂反德國有兵革

昌邑王見狗冠方山冠事詳見服妖門

成帝河平元年長安瑒石良劉音相與同居師古曰二人共止一室有如

人狀在其室中擊之為狗走出去後有數人被甲持兵弩至良
家良等格擊或死或傷皆狗也自二月至六月乃止

鴻嘉中狗與彘交

魏公孫淵家有犬冠幘絳衣上屋此犬禍也屋上亢陽高危之

地天戒若曰亢陽無上偷自尊高狗而冠者也及淵自立為燕

王果為魏所滅京房易傳曰君不正臣欲篡厥妖狗出朝門

魏侍中應璩在直廬歛見一白狗出門問眾人無見者踰年卒

近犬禍也

吳諸葛恪征淮南歸將朝會犬銜引其衣恪曰犬不欲我行

乎還坐有頃復起犬又銜衣乃令逐犬遂升車入而被害

晉武帝太康九年幽州有大鼻行地三百餘步天戒若曰是時

帝不思和嶠之言卒立惠帝以致衰亂是言不從之罰也

惠帝元康中吳郡婁縣人家聞地中有犬子聲掘之得雌雄各

一還置窟中覆以磨石經宿失所在天戒若曰帝既衰弱藩王

相譖故有大禍

永興元年丹陽內史朱達家犬生三子皆無頭後達為揚州刺

史曹武所殺

孝懷帝永嘉五年吳郡嘉興張林家狗人言云天下人餓死於

是果有二胡之亂天下饑荒焉

愍帝建興狗與豬交按漢書景帝時有此以為悖亂之氣亦犬

豕禍也犬兵革之占也豕北方匈奴之象逆言失聽異類相交

必生害也俄而帝没于胡是其應也

元帝太興中吳郡太守張懋聞齊內牀下犬聲求而不得既而地自坼見有二犬子取而養之皆死尋而懋為沈克所害京房易傳曰讒臣在側則犬生妖

太興四年廬江瀆縣何旭家忽聞地中有犬子聲掘之得一母犬青釐音黎黑而黃色狀甚羸瘦走入草中不知所在視其處有二犬子一雄一雌哺而養之雌死雄活及長為犬善噬野獸其後旭里中為蠻所沒

安帝隆安初吳郡治下狗恒夜吠聚高橋上人家狗有限而吠聲甚衆或有夜覘勃覺視之云一狗假有兩三頭皆前向亂吠無幾孫恩亂於吳會焉

是時輔國將軍孫無終家于暨陽地中聞犬子聲尋而地坼有二犬子皆白色一雄一雌取而養之皆死後無終為桓玄所誅滅按尸子曰地中有犬名曰地狼夏鼎志曰掘地得犬名曰賈

此蓋自然之物不應出而出為犬禍也

桓玄將拜楚王已設拜席羣官陪位玄未及出有狗來便其席莫不驚怪玄性猜暴竟無言者逐狗改席而已天戒若曰桓玄無德而叨竊大位故犬便其席示其妄據之甚也八十日玄敗亡焉

劉聰末年大與豕交詳見豕禍門

後齊天保四年鄴中及頓丘並有犬與女交洪範五行傳曰異類不當交而交諄亂之氣犬交人為犬獸犬獸者亢陽失衆之應也時帝不恤國政恩澤不流於其國

後主時犬為開府儀同犍者有夫人郡君之號給兵以奉養食以梁肉藉以茵蓐夫奪其心爵加於犬近犬獸也天意若曰卿士皆類犬後主不悟遂以取滅

後周保定三年有犬生子腰以後分為兩身二尾六足犬猛畜

而有瓜牙將士之象也時宇文護與侯伏侯龍恩等有謀懷貳
犬體後分此其應也

隋大業元年鴈門百姓間犬多去其主羣聚於野形頓變如狼
而噉噬行人數年而止五行傳曰犬守禦者也而今去其主臣
下不附之象形變如狼狼色白為主兵之應也其後帝窮兵黷
武勞役不息天戒若曰無為勞役守禦之臣將叛而為害帝不
悟遂起長城之役續有西域遼東之舉天下怨叛及江都之變
並宿衛之臣也

唐武德三年突厥處羅可汗將入寇夜聞犬羣嗥而不見犬
武后初酷吏丘神勣家狗生子皆無首當項有孔如口晝夜鳴
吠俄失所在

神功元年安國獻兩首犬首多者上不一也

天寶十一載李林甫晨起盥餼將朝取書囊視之中有物如鼠

於地即變為狗大雄目張牙視林甫林甫射中殺然有聲
箭沒

貞元七年趙州栢鄉民李崇真家黃犬乳犢

會昌三年定州深澤令家狗生角

大中初狗生角京房曰執政失將害之應之曰君子危陷則狗
生角

咸通中會稽有狗生而不能決擊之無聲狗職吠以守禦其不
能者象鎮守者不能禦寇之兆

成汭為荆南節度使城中犬皆夜吠日者向隱以為城郭將丘
墟

中和二年秋丹徒狗與羸交占曰諸侯有謀害國者

宋紹興六年四月中京大雪雷震羣犬數十爭赴土河而死可
救者纔二三戎狄犬類也戎狄亂華將自斃也

慶元二年撫州有大人坐于郡守治事之坐後學臣林廷彥卒
千倍

下體生止之病

西漢景帝時梁孝王北獵梁山有獻牛足出脊上王惡之六月

中病熱六日薨張晏曰是當處下所以輔身也今出脊上象孝

王昔朝而干上也北者陰也又在泰山明為梁

後周武帝保定三年有牛足生於背

唐咸通十四年七月宋州襄邑有獵者得雉五足三足出脊上

足出於背下干上之象五足者衆也

羽蟲之異

契母曰簡狄有娥氏之女為帝嚳次妃三人行浴見玄鳥墮其

卵簡狄取吞之因孕生契

姜嫄為帝嚳元妃履巨人跡而生稷以為不祥棄之置糞中

水上飛鳥以其翼覆薦之姜嫄以為神乃收養之

商高宗祭成湯有蜚雉登鼎耳而雊劉歆以為羽蟲之孽陽宗

廟之噐野鳥自外來入為宗廟噐主是繼嗣將易也一曰鼎三

公象以耳行野鳥居鼎耳小人將居公位敗宗廟之祀武丁恐

駭謀於忠賢修德而正事故能攘其妖致百年之壽

周武王伐紂師渡孟津既濟有火自上復于下至于王屋流為

鳥其色赤其聲魄云馬融曰王屋王所居屋流術也魄然安定

春秋昭公二十五年夏有鸚鵡來巢劉歆以為羽蟲之孽其色

黑又黑祥也視不明聽不聰之罰也劉向以為蜚有蜚不言來

者氣所生所謂背也師古曰此蜚謂負蟻也其為蟲臭蜚短狐

穴藏之禽來至中國不穴而巢陰居陽位師古曰今之鸚鵡中

國皆有依周官而言

但不踰濟水耳左氏以為魯所常無異而書之而此云夷狄禽
未喻其意又此鳥本亦巢居下皆允處也書巢者著其居止字
去也 豕季氏將逐昭公去宮室而居外野也鸛鶴白羽旱之
祥穴居而好水黑色為王急之應也天成若曰既失眾不可急
暴急暴陰將持節陽以逐爾去宮室而居外野矣昭不寤而舉
兵圍季氏為季氏所敗出奔于齊遂死于外野董仲舒指略同
赧王二十九年宋有雀生鰐於城之陬史占之曰占小而生大
必霸天下宋康王喜起兵滅滕伐薛東敗齊南敗楚西敗魏與
齊魏為敵欲霸之亟成射天咎地斬社稷而焚滅之又為長夜
之飲天下之人謂之桀宋齊潛起兵伐之民散城不守宋王奔
魏死於温

漢景帝三年十一月有白頸烏與黑烏群闖楚國呂縣白頸不
勝墮泗水中死者數千劉向以為近白黑祥時楚王成暴逆無
道與吳上謀反烏群闖者師戰之象象白頸者小明小者敗

於水將死水地其後王戊反兵敗走為人所殺京房易傳曰
逆親親厥妖白黑烏闖於國

武帝太始三年二月行幸東海獲赤鴈作朱鴈之歌

昭帝始元元年春二月黃鵠下建章宮太液池中黃鵠曰時漢

尚黃鵠色皆白而今更黃以為瑞也

元鳳元年有烏與鵲闖燕王宮池上烏墮池死近黑祥也時燕

王日謀為亂遂不改寤伏辜而死楚燕皆骨肉藩臣以驕然而

誅逆俱有烏鵲闖死之祥行同而占合此天人之明表也燕王

烏鵲闖於宮中而田者死楚以萬數闖於野外而白者死象燕

陰謀未發獨王自殺於宮故一烏水色者死楚坑陽舉兵軍師

大敗於野故衆烏金色者死天道精微之效也京房易傳曰專

征切殺厥妖烏鵲闖

昭帝時有鸛鵲或曰禿鶩師古曰鸛鵲即汗澤也一名滄河腹

下胡大如數升襄好澤入中杼水

食魚因名禿鷓水鳥也鷓音大奚反鷓音胡鷓音秋 雉昌邑王殿下王使人射殺之劉

向以為水鳥青色青祥也時王馳騁無度慢侮大臣不敬至尊

有服妖之象師古曰謂多淫及注冠又以冠奴也故青祥見也野鳥入處宮室將

空主不悟卒以亡京房易傳曰避退有德厥咎狂厥妖水鳥集

于中國

宣帝元康三年春以神雀數集泰山賜諸侯王丞相以下令即

從官帛吏民爵女子牛酒鰥寡孤獨高年帛六月詔曰前年

夏神爵集雍晉灼曰漢注大加鷓爵黃今更五色鳥以萬數飛

過屬縣三輔諸縣也翱翔而飛欲集未下其令三輔毋得以春夏摘

巢探卵彈射飛鳥具為令

四年三月神爵五采以萬數集長林未央北宮高寢甘泉泰畤

殿中及上林苑

京兆尹張敞舍鷓雀飛集丞相府丞相黃霸以為神雀議欲以

問敞奏霸曰長吏守丞對時臣敞舍有鷓雀飛止丞相府屋上

丞相以下見者數百人邊吏多知鷓雀者問之皆陽不知丞相

圖議上奏圖諫也曰臣問上計長吏守丞以典化條皇天報下神

雀後知從臣敞舍來乃上郡國吏竊笑丞相仁厚有知略微信

奇怪也東坡致堂論見鳳凰門

成帝河平元年二月庚子泰山山桑谷有鷓鷓音賜也焚其巢男子

孫通等聞山中羣鳥鷓鷓聲往視見巢難音然盡墮地中有三

鷓鷓燒死鳥子新生甫者曰鷓樹大四圍巢去地五丈五尺太守以聞鷓

色黑近黑祥貪虐之類也易曰鳥焚其巢旅人先笑後號咷泰

山岱宗五岳之長王者易姓告代之處也天戒若曰勿近貪虐

之人聽其賊謀將生焚巢自害其子絕世易姓之禍其後趙飛

燕得幸立為皇后姊妹專寵後宮有子者殺之并殺其母帝崩

后坐誅此焚巢殺子後號咷之應也一日王莽貪虐而任社稷

勿

火

文

通

卷

三

百

二

上

崇禎三年重刊

之重卒成易姓之禍云京房易傳曰人主暴虐鳥焚其舍

鴻嘉二年三月博士行大射禮有飛雉集于庭歷階登堂而雉

後雉又集太常宗正丞相御史大夫大司馬車騎將軍之府又

集未央宮承明殿屋上時大司馬車騎將軍王音待詔寵等上

言天地之氣以類相應師古曰以經術待詔其人名寵不謹告

人君甚微而著雉者聽察先聞雷聲故月令以紀氣師古曰謂

云雉也經載高宗雉雉之異師古曰已以明轉禍為福之驗今

雉以博士行禮之日大衆聚會飛集於庭歷階登堂萬衆睢睢

師古曰睢睢仰目驚怪連日徑歷三公之府太常宗正典宗廟

骨肉之官然後入宮其宿留告曉人具備深切師古曰宿音先

反雖人道相戒何以過是宜謀於賢知克已復禮以求天意繼

嗣可立災變可銷也

成帝綏和二年二月天水平襄相燕生爵哺食至大俱飛京房

易傳曰賊臣在國厥咎燕生爵諸侯劍一日生非其類子不嗣

後漢明帝永平十一年獲白雉

十七年神雀五色翔集京師

章帝元和二年幸泰山柴告岱宗有黃鵠三十從西南來經祠

壇上東北過于宮室翔翔升降

桓帝永壽元年白鳥見齊國

靈帝中平三年八月中懷陵上有萬餘爵先極悲鳴已因亂闔

相殺皆斷頭懸著樹枝棘棘到六月靈帝崩大將軍何進以內

寵外廢積惡日又欲悉糾黜以隆更始死政而太后待疑事火

不決進從中出於省內見殺因是有司盪滌度劉後祿而尊厚

者無餘矣夫陵者高大之象也天戒若曰諸懷爵祿而尊厚者

還自相害至滅亡也古今語曰建武九年六月都人燕亂食祿還

自相害至滅亡也

翟建興九年十月江陽至江州有鳥從江南飛渡江北不能
達墮水死者以千數時諸葛亮連年動眾志吞中夏而為涓
南所圖不遂又諸將分爭頗喪徒旅鳥北飛不能達墮水死者
皆其象也亮竟不能過渭是其應也

魏文帝黃初元年四月饒安縣言白雉見

四年五月有鵜鴟題胡二音鳥集靈芝池按劉向說此羽蟲之孽又

青祥也詔曰此詩人所謂汗澤者也曹詩刺共音公遠君子近

小人今豈有賢智之士處于下位否則斯鳥胡為而至哉其博

舉天下儁德茂才獨行君子以谷曹人之刺於是揚彪管寧之

徒咸見薦舉此所謂觀妖知懼者也雖然猶不能優容亮直而

多端偏私矣京房易傳曰辟退有音厥妖水鳥集于國井

黃初元年未央宮中又有燕生鷹口瓜俱赤此與商紂宋隱同

象

景初元年又有燕生巨音穀音於衛國李蓋家形若鷹吻似燕

此羽蟲之孽又赤青也高堂隆曰此魏室之大異防鷹揚之臣

於蕭牆之內其後宣帝起誅曹爽遂有緹室

漢獻帝建安二十三年禿鷲鳥集鄴宮之昌殿後池明年魏武

王薨

魏文帝黃初三年又集雒陽芳林園池

七年又集其夏文帝崩

景初末又集芳林園池已前再至輒有大喪帝惡之其年明帝

崩

景初元年陵霄闕始構有鵲巢其上鵲體白黑雜色此羽蟲之

孽又白黑祥也帝以問高堂隆對曰詩云惟鵲有巢惟鳩居之

今興起宮室而鵲來巢此宮室未成身不得居之象也天戒若

物集

大史通考卷三百一

十三

曰宮室未成將以他姓制御之不一不深慮也於是帝改容動色

吳孫權赤鳥元年以有赤鳥之祥改元

十一年八月白鳩見於章安

十二年四月有兩鳥銜鵲墮東館權使領丞相朱據燎鵲以祭按劉歆說此羽蟲之孽又黑祥也視不明聽不聰之罰也是時權意溢德衰信讒好殺二子將危將相俱殆覩妖不悟加之以燎昧道之甚者也明年太子和廢魯王霸賜死朱據左遷陸議憂卒是其應也東館與教之府鵲墮東館又天意乎

吳孫權二年正月封前太子和為南陽王遣之長沙有鵲巢其帆檣凡檣二音和故宮際聞之皆憂慘以為檣木傾危非又安之象是後果不得其死

晉建興二年十一月有大鳥五見于春中吳人以為鳳凰明年改元為五鳳漢桓帝時有五色大鳥司馬彪云政道衰缺無以致鳳乃羽蟲孽耳孫亮未有德政孫峻驕暴方甚此與桓帝同事也按瑞應圖大鳥似鳳而為孽者非一宜皆是也

孫休永安三年西陵言赤鳥見

六年白燕見於慈湖赤雀見於豫章

晉武帝泰始四年八月有翟雉飛上閭闔門天戒若曰閭闔門非雉所止猶殷宗雉登鼎耳之戒也

惠帝永康元年趙王倫既篡京師得異鳥莫能名倫使人持出周旋城邑市以問人積日宮西有小兒見之逆自言曰服留鳥翳持者即還白倫倫使更求又見之仍將入宮密籠鳥并閉小兒戶中明日視之悉不見此羽蟲之孽時趙王倫有目瘤之疾

物異 羽蟲

文獻通考卷三百七十一

十四

崇禎二年重刊

言服留者謂倫留將服其罪也尋而倫誅

趙王倫篡位鶉入太極殿雉集東堂天戒若曰太極東堂皆朝
享聽政之所而鶉雉同日集之者趙三倫不當居此位也詩云
鶉之疆疆鶉之奔奔人之無良我以為君其此之謂乎尋而倫
滅

懷帝永嘉元年二月洛陽東北步廣里地陷有蒼白二色鶉出
蒼者飛翔冲天白者止焉此羽蟲之孽又黑白祥也陳留董養
曰步廣周之狄泉盟會地也白者金色國之行也蒼為胡象其
可盡言乎是後劉元海石勒相繼亂華

明帝太寧三年八月庚戌有大鳥二蒼黑色翼廣一丈四尺其
一集司徒府射而殺之其一集市北家人舍亦獲焉此羽蟲之
孽也又黑祥也及閏月戊子而帝崩後遂有蘇峻祖約之亂
成帝咸和二年正月有五鷗鳥集殿庭北又白祥也是時庾亮

荀遵舉謀將召蘇峻有言不從之咎故白祥先見也三年二月

峻果作亂宮掖焚毀化為汙萊鳥來二音此其應也

咸康八年七月有白鷺集殿屋是時康帝始即位不永之祥也
後涉再期而帝崩按劉向曰野鳥入處宮室將空此其應也

海西初以興寧三年二月即位有野雉集于相風此羽蟲之孽
也尋為桓温所廢

孝武帝太元十六年六月鶉巢太極東頭鷓尾又巢國子學堂

西頭十八年東宮始成十九年正月鶉又巢其西門此殆與魏

景初同占學堂風教之所聚西頭入金行之祥及帝崩後安帝

嗣位桓玄遂篡風教乃頽金行不競之象也

安帝雍熙三年龍驤將軍朱絜於離反戍壽陽婢炊飯忽有羣鳥

集竈競來啄噉婢驅逐不去有獵狗咋殺兩鳥餘鳥因共啄殺
狗又噉其肉唯餘骨存此亦羽蟲之孽又黑祥也明年六月絜

死此其應也

石虎饗群臣于太武殿前有白鴈百餘集于馬道南命射之無所獲太史令趙攬以為白鴈集庭宮室將空揚州送黃鵠雛五頸長一丈聲聞十餘里泛之於玄武池

宋孝武帝大明七年十一月大閱水師於中江有白雀二集華蓋

梁武帝中大同元年邵陵王綸在南徐州坐聽事有野鳥如鷓鴣數百飛屋梁上彈射不中俄頃失所在京房易飛候曰野鳥入君室其邑虛君亡之他方後綸為湘東王所襲竟致奔亡為西魏所殺

侯景在梁將受錫命陳備物於庭有野鳥如山鷓鴣赤鬚集於冊書之上鶴鷓鳴於殿與中大同元年同占景尋敗將亡入海中為羊鷓所殺

陳後主時蔣山有衆鳥鼓翼而鳴曰奈何帝京房易飛候曰鳥鳴門闕如人音邑且亡蔣山吳之望也鳥於上鳴吳邑空虚之象及陳亡建康為墟

又陳未亡時有一足鳥集于殿庭以背畫地成文曰獨足上高臺盛草變成灰獨足者叔寶獨行無衆之應盛草成灰者陳政蕪穢被隋火德所焚除也叔寶至長安館於都水臺上高臺之義也

魏太武太延元年白燕集於盛樂舊都玄鳥隨之以千數白雉三集於平陽太祖之廟

後齊孝昭帝即位之後有雉飛上御坐占同中大同元年又有鳥止於後園其色赤形似鴈而有九頭其年帝崩

天統三年九月萬春鳥集仙都苑京房易飛候曰非常之鳥來宿於邑中邑有兵周師入鄴之應也

武成胡后生後主初有梟升后帳而鳴梟不孝之鳥不祥之應也後主嗣位胡后淫亂事彰遂幽后於北宮焉

武平七年有鵲巢太極殿又巢并州嘉陽殿雉集晉陽宮御坐獲之京房易飛候曰鳥無故巢居君門及殿屋上邑且虛其年國城

周大象二年二月有禿鷲集洛陽宮太極殿其年帝崩後宮常虛

隋開皇初梁主蕭琮新起後有鴝鳥集其帳隅未幾琮入朝被留於長安梁國遂廢

大業四年蜀郡獲三足鳥

八年帝征遼東次大頓見二大鳥高丈餘躡身朱足游詠自若上異之命工圖寫并立銘頌

十二年二月甲子夜有二大鳥

入大業殿止于御幄至

而而去

大業末京師宮室中恒有鴻鴈之類無數翔集其間俄而長安不守

十三年十一月烏鵲巢帝帳幄驅不能止帝尋逢弒

唐武德初隋將堯君素守蒲州有鵲巢其砲機

貞觀十六年立晉王為太子雉集太極殿前雉集東宮顯德殿前太極三朝所會也帝以問褚遂良對曰昔秦文公時有童子化為雉雉者鳴於陳倉雉者鳴於南陽童子曰得雉者王得雉者霸文公遂以為寶雞祠漢光武得雉遂起南陽有四海陛下舊封秦主故雉雉見秦地所以彰明德也上悅

十七年春齊王祐為齊州刺史好畜鴉有狸齒鴨頭斷者四十餘

永徽四年宋州人蔡道基舍傍有獸高丈餘頭類羊一角鹿形

馬蹄牛尾五色有翅占曰鳥如畜形者有大兵

五年七月辛巳萬年宮有小鳥如雀生子大如鳴鳩

調露元年鳴鷄羣飛入塞相繼蔽野至二年正月還復北飛至

靈夏北悉墮地而死視之皆無首

文明後天下屢奏雌雞化為雄或半化者

景龍四年六月辛巳朔鳥集太極殿梁驅之不去

開元十三年十一月戊子雄雉馴飛泰山齋宮內封禪所以告

成功祀事無重於此者而野鳥馴飛不思禁衛不祥

二十五年四月濮州兩鳥兩鵲兩鸛同巢隴州鸛哺慈鳥

二十八年四月庚辰慈鳥巢宣政殿拱辛巳又巢宣政殿拱

天寶十三載葉縣有鸛巢于車轍中不巢木而巢地失其所也

至德二載三月安祿山將武令珣圍南陽有鸛巢于城中砲機

者三雛成乃去

八年九月武功獲大鳥肉翅孤首四足有爪長四尺餘毛

赤如蝙蝠羣鳥隨而噪之近羽虫孽也

十三年五月左羽林軍有鸛鵠乳鵠二

貞元四年三月中書省梧桐樹有鵲以泥為巢鵲巢知歲次於

羽蟲為有知今以泥露巢遇風雨壞矣是歲夏鄭汴境內鳥皆

群飛集魏博田緒淄青李納境街木為城高二三尺方十里緒

納惡而焚之信宿又然鳥口皆流血

九年春許州鵲哺鳥雛

十年四月有大鳥飛集宮中食雜骨數日獲之不食死 六月

辛未晦水鳥集左藏庫 七月懷州奏獲白鵲二

十一年二月同州進五色鷹 八月潞州進白鵲 十一月潭

州進赤鳥

十二年七月河陽進鸛鵠二

十三年懷州鷓鴣巢內有黃鵠往來哺食

十四年秋有異鳥色青類鳩鵲見於宋州郊外所止之處群鳥
冀衛朝夕嚙稻梁以哺之睢陽人適野聚觀者旬日

十八年六月烏集徐州之滕縣嚙柴為城中有白鳥一碧鳥一
元和元年常州鵲巢于平地

四年十二月羣鳥夜集于太行山上
十三年春淄青府署及城中烏鵲互取其雛各以哺子更相搏

擊不能禁

寶曆元年十月丙申羣鳥夜鳴

長慶元年六月鄆州奏雷澤縣界有鳥巢因風墜二雛鵲引而
哺之

開成元年閏五月丙戌烏集唐安寺逾月散雀集
蕭望之家

二年三月真興門外鵲巢於古塚鵲巢知避歲而古占又以高

下下水旱今不巢于木而穴于塚不祥 秋突厥鳥自塞北羣
飛入塞

五年六月有秃鷲羣飛集禁苑鷲水鳥也
會昌元年潞州長子有白頸鳥與鵲鬪

大中十年三月舒州吳塘堰有衆禽成巢闊七尺高一尺水禽
山鳥無不馴狎中有如人面綠毛紺爪背者其聲曰甘人謂之

甘蟲占曰有鳥飛常來宿于邑中國有兵人相食
咸通七年涇州靈臺百里成有雀生燕至大俱飛去京房易傳

曰賊臣在國厥妖燕生雀雀燕同說
十一年夏雉集河內縣署

咸通中吳越有異鳥極大四目五足鳴山林其聲曰羅平占曰
國有兵人相食

乾符四年春廬江縣北鵲巢于地

六年夏鴟雉集于偃師南樓及縣署劉向說野鳥入處宮室將空

廣明元年春絳州翼城縣有鵠鵠鳥羣飛集縣署衆鳥逐而噪之

光啓元年二年復如之鵠鵠一名訓狐

中和元年三月陳留有鳥變爲鵠

二年有鵠變爲鳥古者以鳥卜軍之勝負鳥變爲鵠民從賊之象鵠復變爲鳥賊復爲民之象

三年新安縣吏家捕得雉養之與雞馴月餘相與鬪死

四年臨淮漣水民家鷹化爲鵝而弗能游鷹以驚而擊武臣象也鵝雖毛羽清潔而飛不能遠無搏擊之用况庖厨而已

光啓元年十二月陝州平陸集津山有雉二首向背而連頸者

集津倉廡後數月羣雉數百來鬪殺之

二年正月閬鄉湖城野雉及鷲夜鳴 七月中條山鵲焚其巢

京房易傳曰人君暴虐鳥焚其舍

三年十月慈州作城梟與鴟鬪相殺

光化二年幽州節度使劉仁恭屠貝州去夜有鵠鵠鳥十數飛入帳中逐去復來

昭宗時有禿鷲鳥巢寢殿隅帝親射殺之

天復二年帝在鳳翔十一月丁巳日南至夜驟風有鳥數千迄明飛噪日不止自車駕在岐常有鳥數萬棲殿前諸樹歧人謂之神鴉

三年宣州有鳥如雉而大尾有火光如散星集于戟門明日大火曹局皆盡惟兵械存

後唐天成二年五月懷州進白鵲 六月兖州進三足鳥

清泰元年十月辛未巳時有雉金色自南飛入中書止於政事堂屋脊上吏驅之不去良久飛入於民家得之其年李愚劉胸並罷相

晉天福八年三月有白鳥棲於作坊桐樹

漢乾祐三年五月太原進白鳥

周廣順三年六月河南河北諸州旬日內無鳥既而聚澤潞之間山谷中集於林木壓樹枝皆折是年人疾疫甚衆至顯德元年河東劉崇爲周師所敗伏

血流故

顯德元年三月潞州高平縣有鵲巢于縣郭之南平地巢中七

八雛

三年穎州進白鳥

宋乾德六年西川兵馬都監張延通獻白鵲

太平興國五年七月祕書丞郭延釗獻紫鵲

江陵獻綠鵲易州獻紅山鵲穎州獻白雉西京獻白鳩

至道元年四月知通利軍錢昭立獲赤鳥以獻上曰白而色正如

澤丹正火德之應也川州獻白鵲越州獻白鸚鵡 九月京

師自旦至西羣鳥百餘萬飛翔其聲如風識者云突厥雀亦云

蓄雀

咸平二年八月黃州羣鷄夜鳴去冬不止

大中祥符二年春昇州見黃雀羣飛蔽日有從空墜者占主民

有役事是歲火 延州建天節道場有禽繫脣毛赤味丹趾

集墮側槐樹醮罷方去是秋有禽白質丹味飛止禁中殿隅

至天書殿而隱

三年三月禁中有禽止殿楹馴擾無畏言人以袂捧之而獻采

毛脩頸惟飲水不粒食

五年七月乙酉建安軍鑄聖像所啓道場神雀五色脩尾黃喙

集塑像上 九月庚辰復有神雀丹味黃腹背翅青綠集五皇

集

五

殿幕馴擾不驚

六年十月代州五臺山有吉祥鳥見形翹甚大其飛也四黃鳥
導之四鵠從之 泰山興工有鳥狀鳥味醜皆赤後夫翹即飛
鳴作起之聲衆工見其來者鍾爭進將捕而去日以為常目為
催工鳥

寶元元年二月乙酉興州長舉縣有鵲羽毛紫白背脚紅不類
常鵲

治平三年五月太子右詹善大夫陳世脩獻白鳥

元豐三年八月戊寅趙州平棘縣獲 九月丙午趙州獲白鵲

六年七月壬申丹州生白雀

政和三年九月太饗明堂有鶴回翔堂上明日又翔于上清宮
是時所在言瑞鶴宰臣表賀不可勝紀

宣和元年九月戊午歿京等表賀赤鳥又賀白鵲

政和後禁苑多為村居野店又聚珍禽野獸鹿麋鴛鴦禽鳥數
百實其中至宣和間每秋風夜靜禽獸之音四徹宛若深山大
澤陂野之間識者以為不祥

宣和末南郊禮畢御郊宮端誠殿天未明百辟方稱賀忽有鵲
止鳴于殿屋若與贊拜聲相應和聞者駭之時已報女真背盟
未踰月內禪明年有青城之難

建炎三年上在揚州二月辛亥早朝有禽羽飛鳴行殿三匝一
再止于宰臣汪伯彥朝冠冠者尊服飛鳥踐之不祥羣羽又青
祥也劉向以為野鳥入宮室將空一曰敗亡之應是日虜兵入
揚州有倉卒渡江之變後二十日伯彥罷相尋坐貶

四年正月丁巳虜兵圍陝府為鴉數萬飛噪城上與戰聲相亂
虜將婁宿口城當陷急攻之遂失守近羽孽也

七年梟鳴于劉豫後苑又羣鳥鳴于內庭如日休也豫惡之募

人獲一梟者予錢五千是歲豫廢偽齊亡

十七年二月有白鳥六集于高祿壇上近羽孽也宰臣沈該以瑞奏

二十七年饒州鄱陽縣有妖鳥身雞尾長喙方足赤目上手民屋數日彈矢不能中亦羽孽也

乾道六年邵武軍泰寧縣有爵飛鳴立死于瑞寧佛刹香鼎先是紹興初是邑有爵立死于丹霞佛刹之鼎皆羽孽也釋子因釋其妖謂之雀化

慶元三年春池州銅陵縣鴛鴦雄化雌近羽孽也

文獻通考卷之三百十三

宋鄱陽 馬 端臨 貴與 著

明蘄陽 馮 天馭 應房 較刊

物異考 鳳凰

虞舜簫韶九成鳳凰來儀韶舜樂名言簫見細樂之備雉曰鳳雌曰凰靈鳥也儀有容儀備樂九奏

而致鳳凰則餘鳥獸不待九而率舞

漢昭帝始元三年冬十月鳳凰集東海遣使者祠其處

宣帝本始元年五月鳳凰集膠東千乘

四年五月鳳凰集北海安丘淳

拖節二年四月鳳凰集魯郡亦從之

元康二年三月以鳳凰集賜天下吏民爵女子牛酒鰥寡高年

帛

神爵二年鳳凰集京師羣鳥從者以萬數

物異 鳳凰 文獻通考卷三百十三

崇禎三年重刊

四年冬十月鳳凰十一集杜陵 十二月鳳凰集上林
五鳳三年鸞鳳集長樂宮東闕中樹上飛下止地文章五色

東坡蘇氏曰黃霸傳言時鳳凰神爵數集郡國潁川尤多
天子以霸治行長者下詔稱揚此可疑也霸以鵠為神爵
不知潁川之鳳以何物為之耶

致堂胡氏曰孝宣之世誠安且治矣然方之堯舜成康可
封刑措之俗無乃尚遠有不及乎鳳凰何為而屢至哉自
本始逮黃龍二十五年間天變則日食星孛大雨雹地變
則四十九郡同日震山崩壞宗廟殺人民以人事論之趙
蓋楊韓四良臣無罪而死元康二年中子弟殺父兄妻殺
夫者二百四十二人魏相以為大故者不論他年然則世
雖安治亦多舛逆不得稱太平決矣鳳凰表太平之瑞也
何為而至哉宣帝繼武帝之後撫育百姓不與兵革

康阜其心自喜必有窺見微意者故爭言祥瑞以侈耀之
雖然所謂鳳者非也何以明之丞相霸以鵠為神爵而神
爵年號非有他異焉乃為鳳凰而名之然則其時公以鵠
為神爵神爵為鳳凰則鳳凰羣集非鵠而何雖名治安而
未及古正使有鳳尚不足貴况非鳳耶此可破千載之疑
而發一笑為後世自欺之戒也或曰漢權歸外家自五鳳
始殆天以告爾然則尤當警懼者也

後漢章帝元和三年正月鳳凰集肥城五月詔曰乃者鳳凰黃
龍鸞鳥比集七郡孫之柔瑞圖曰鸞鳥者赤神之精鳳凰之佐
雞身正毛色赤被五采鳴中五音人君進退
有度親疎有序或一郡再見其賜天下吏民爵及帛有差
則至也此類也
安帝延光三年新豐上言鳳凰集西界亭今新豐縣西原有鳳
鳳凰所集
鳳凰之處也二月戊子有五色大鳥集濟南臺十月又集新豐時
以為鳳凰陽明之應故非明主則隱不見凡五色大鳥似鳳者



多羽蟲之孽是時安帝信中常侍樊豐江京阿母王聖及外屬
耿寶等讒言免太尉楊震廢太子為濟陰王不愆之異也章帝
末號鳳凰百四十九見時直臣何敞以為羽孽似鳳翱翔殿屋
不察也臣昭曰已論記者以為其後章帝崩以為驗按宣帝明
帝時五色鳥羣翔殿屋賈逵以為胡降徵帝多善政雖有過不
及至衰缺末年胡降二十萬口爾其驗也帝之時羌胡外叛讒
慝內興羽孽之時也樂叶圖徵說五鳳皆五色為瑞者一為孽
者四叶圖徵曰似鳳有四並為妖一曰鵲鵲鳩喙圓目身義戴
信嬰禮應仁負智至則役之感也二曰發明鳥喙大項翼
大大脰身仁慈智嬰義膺信負禮至則喪之感也三曰焦喙長
喙疏翼圓尾身義戴信嬰仁膺智負禮至則水之感也四曰幽
昌光目小頭六身細足脰若鱗葉身智戴信負禮膺仁至則旱
之感也國語曰周之興也鸞鳴岐說文曰五方神鳥東方曰
發明南方曰幽日中央曰鳳凰
桓帝元嘉元年十一月五色大鳥見濟陰已氏時以為鳳凰此
時政治衰缺梁冀秉政阿枉上幸亳后皆羽孽時也臣昭按魏
明對策桓

帝時雜入太常宗正
府既說見本傳註

靈帝光和四年秋五色大鳥見于新城衆鳥隨之時以為鳳凰
時靈帝不恤政事常侍黃門專權羽孽之時也衆鳥之性見非
常斑駁好聚觀之至於小爵希見梟者競見猶聚

魏文帝黃初元年八月石邑縣言鳳凰集

吳孫權黃武四年蒼梧言鳳凰見

黃龍元年夏口武昌並言鳳凰見

孫亮建興二年有大鳥五見於春申吳人以為鳳凰詳見羽
蟲門

孫皓建衡三年西苑言鳳凰見明年改元鳳凰

晉武帝泰始元年郡國言鳳凰見凡六

二年鳳凰六見 五年鳳凰見于趙國

穆帝昇平四年二月鳳凰將九雛見于豐城 十一月鳳凰復

見于豐城羣鳥隨之

五年鳳凰見于沔北

宋文帝元嘉十四年正月戊戌鳳凰二見於都下眾鳥隨之改其地曰鳳凰里

周武帝天和元年七月梁州上言鳳凰集楓樹眾鳥列侍以萬數

唐長壽三年十一月陳州上言苑丘縣鳳凰集眾鳥數萬前後翮從行列齊整色別為羣後三日改元儀鳳

蜀王建元年鳳凰見萬歲縣

漢劉昆時鳳凰見邕州

宋端拱元年八月有鳳凰集廣州清遠縣縣舍樞樹高六尺眾禽隨之向東北去

景德元年五月白州有三鳳自南來入城中羣禽圍繞至萬歲寺前棲百尺木龍樹身長九尺高五尺其文五色冠如金杯

熙寧七年六月乙未廣州言增城縣鳳凰見

雞禍

春秋左氏傳周景王時大夫賓起見雄鷄自斷其尾劉向以為近雞禍也時王有愛子子朝王與賓陰謀欲立之田于北山將因兵眾殺適子之黨未及而崩三子爭國王室大亂其後賓起誅死子朝奔楚而敗不房易傳曰有始無終厥妖雄雞自斷其尾

漢宣帝黃龍元年未央殿詔幹中雌雞化為雄輅與路同幹音零廐名也衣變化而不鳴不將無距將謂率領其距雞足附骨間時所用刺之

元帝初元中丞相府史家雌雞伏子漸化為雄冠距鳴將

永光中有獻雄雞生角者言房易傳曰雞知時知時者當死房以為已知時恐當之劉向以為房失雞占雞小畜主司時起居人為人起居之節小臣執事為政之象也言小臣將秉君威以害正事

猶石顯也竟寧元年顯決事此其效也或曰顯何足以當此昔武王代殷誓師曰牝雞無晨牝雞之晨惟家之索今殷王受惟婦言是用由是論之黃龍初元永光鷄變廼國家之占妃后妃象也黃龍元年宣帝崩元帝立王妃將為后故是歲未央殿雌雞化雉明其占在正宮也不鳴不將無距貴始萌而尊未成也初元元年立王妃為后后以后父丞相少史王禁為陽平侯明年立皇后子為太子故應是丞相府史家雌雞化為雉其占即丞相少史之女也伏子者明已有子也冠距鳴將者尊已成也永光二年禁薨子鳳嗣侯元帝崩成帝遂委政於元舅王氏之權自鳳始故於鳳始受爵位時雌雞有角明視作威專若害上危國者從此人始也京房易傳曰賢者居明夷之世知時而傷或衆在位厥妖雞生角雞生角時主獨又曰婦人顯政國不靜牝雞雄鳴主不榮故房以為已亦在占中矣

後漢靈帝光和元年南宮侍中寺雌雞欲化雄一身毛皆似雄但頭冠尚未變詔以問議郎蔡邕邕對曰貌之不恭則有雞禍臣切推之頭元首人君之象今雞一身已變未至於頭而上知之是將其事而不遂成之象也若應之不精政無所改頭冠或成為患滋大是後張角作亂稱黃巾破壞四方

魏明帝景初二年廷尉府中雌雞化為雄不鳴不將于寶曰是歲宣帝平遼東百姓始有與能之義此其象也然晉三后並以人臣終而不鳴不將又天意也

晉惠帝元康六年陳國有雞生雄雞無翅既大墜坑而死王隱以為為雄者胤嗣子之象坑者母象今雞生無翅墜坑而死此子無羽翼為母所陷乎於後賈后誣殺愍懷此其應也

太安中周玘音起家雌雞逃承露中六七日而下奮翼鳴將獨毛不變其後有陳敏之事敏雖控制江表終無紀綱文章殆其象

也卒為玘所滅雞禍見玘家又天意也京房易傳曰牝雞雄鳴
主不榮

元帝太興中王敦鎮武昌有雌雞化為雄云戒若曰雌化為雄
臣陵其上其後王敦再攻京師

孝武太元十三年四月廣陵高平閻嵩家雌雞生無右翅彭城
人劉象之家雞有三足京房易妖曰君用婦人言則雞生妖是
時主相並用尼媪鳥老之言寵賜過厚故妖象見焉

安帝隆安元年八月琅邪王道子家青雌雞化為赤雄雞不鳴
不將桓玄將篡不能成業之象

四年荊州有雞生角角尋墮落是時桓玄始擅西夏狂慢不肅
故有雞禍天戒若曰角兵象尋墮落者暫起不終之妖也後皆
應也

元興二年衡陽有雌雞化為雄八十日而冠落天戒若曰

桓玄楚國之邦略也及桓玄篡果八十日而敗此其應也

隋文開皇中有人上書言頌歲以來雞鳴不鼓翅類腋下有物
而妨之翻不得舉肘腋之臣當為變矣書奏不省京房易飛候
曰雞鳴不鼓翅國有大害其後八臣多被夷滅諸王廢黜太子

幽廢

大業初天下雞多夜鳴京房易飛候曰雞夜鳴急令又云昏而
鳴百姓有事人定鳴多戰夜半鳴流血漫漫及中年已後軍國
多務用度不足於是急令暴賦責成守宰百姓不聊生矣各起
而為盜戰爭不息屍骸彼野

唐垂拱三年七月冀州雌雞化為雄

永昌元年明州松州各有雌雞化為雄

景龍二年春滑州匡城縣民家雞有三足京房易妖占曰君用
婦言則鷄生妖

玄宗好鬪雞貴臣外戚皆尚之貧者或弄木雞識者以為鷄酉屬帝生之歲鬪者兵象近雞禍

大中八年九月考城縣民家雄雞化為雌伏子而雄鳴雄化為雌王室將卑之象及雌伏也漢宣帝時有此異至元帝而王氏始萌蓋馴致其禍也

咸通六年七月徐州彭城民家雞生角角兵象鷄小畜猶賤類

宋紹興初陳州民畜雞忽人言近雞禍也後河南為偽齊所據特松陽縣民家雞生三足與唐志景龍中雞禍同占縣治有雞

伏卵毛生殼外近雞禍亦毛孽也

乾道六年衢州西安縣官塘有物怪雞首人身高丈餘晝見于

野
慶元三年饒州壘舍雞卵出蛇近雞孽亦蛇孽也徽州婺源

張村民家雌雞化為雄烹之形冠距而腹卵孕同里洪氏家雄雞伏子中一雛有三足

龍蛇之異

夏孔甲之時天降二龍有雌雄孔甲不能食未得參龍氏

食曰參陶唐既衰其後有劉累學擾龍擾音柔馴也龍能于參龍氏

以事孔甲孔甲賜之姓曰御龍氏受豕韋之後龍一雌死潛醢以食夏后夏后享之既而使求之懼而遷去

史記夏后氏之衰有二龍止於夏庭而言余褒之二君也褒古國字

夏帝卜殺之去之止之莫言卜請其祭而藏之乃吉應劭曰祭沐也鄭氏

曰參音牛豨也之豨師古曰去謂驅逐也於是布幣策告之師古曰

止謂拘留也去音丘呂反祭音丑之反去藏也匱音讀其後夏亡傳匱於殷周三代莫發至厲王末發而觀之祭流于庭不可除也厲王使婦人麤而謀之應劭曰羣呼曰謀師

古曰諱音 蔡化為玄龜 足師古曰龜似龍而大非蛇及蜚蜋 入

後宮處妾遇之而孕 師古曰處妾 生子懼而棄之宣王立女童

諺曰厭弧其服實亡周國 服度曰厭厭桑也師古曰女童諺謂

文者也木弓曰弧服盛箭者即今之步也其草似 後有夫婦

鬻是器者宣王使執而僇之 師古曰鬻賣 既去見處妾所棄妖

子聞其夜號哀而收之遂亡奔襄後襄人有罪入妖子以贖是

為襄妣幽王見而愛之生子伯服王廢申后及太子宜咎而立

襄妣伯服代之廢后之父申侯與繒西畎戎共攻殺幽王 師古曰畎

戎即大戎 亦曰昆夷 滅滅也音 呼危反 劉向以為夏后季世周之幽厲皆詩亂逆天 師古曰

內反 故有龍龜之怪近龍蛇孽也蔡血也一日沫也厭弧桑弓

也其服蓋以其草為箭服近射妖也女童言者禍將生於女國

以兵寇亡也 師古曰因婦 以致兵寇也

左氏傳魯嚴公時有內蛇與外蛇聞鄭南門中內蛇死劉向以

為近蛇孽也先是鄭厲公劫相祭仲逐兄昭公代立後厲公出

奔昭公復入死子儀代立厲公自外劫大夫傅瑕使廖子儀此

外蛇殺內蛇之象也蛇死六年而厲公立嚴公問申繻曰猶有

妖乎對曰人之所忌其氣炎以收之妖由人興也人亡豈焉妖

不自作人棄常故有妖京房易傳曰立嗣立疑厥妖蛇居國門

文公十六年夏有蛇自泉宮出 泉宮即 泉臺 入于國如先君之數劉

向以為近蛇孽也泉宮在囿中公母姜氏曾居之蛇從之出象

官將不居也詩曰維虺維蛇女子之祥又蛇入國國將有女憂

也秋公母薨公惡之乃毀泉臺後二年公薨公子遂殺文之二

子而立宣公文公夫人大歸于齊

昭公十九年龍鬪於鄭時門之外清淵劉向以為近龍孽也鄭

以小國攝乎晉楚之間重以強吳時子產任政內惠於民外善辭今以交三國鄭卒亡患能以德消變之效也京房易傳曰衆心不安厥妖龍鬪

漢高祖母媪嘗息大澤之陂休息而夢與神遇是時雷電晦冥父太公往視則見交龍其上已而有娠遂產高祖

高祖為亭長送徒驪山被酒夜徑澤中有大蛇當徑乃拔劍斬蛇蛇分兩頭詳見人異門

漢惠帝二年正月癸酉且有兩龍見於蘭陵廷東里温陵井中至乙亥夜去劉向以為龍書象而困於廢人井中象諸侯將有幽執之禍其後呂太后幽殺三趙王諸呂亦終誅滅京房易傳曰有德將害厥妖龍見井中又曰行刑暴惡黑龍從井出

文帝十五年黃龍見于成紀武帝泰始四年七月趙有蛇從郭外入與邑中蛇鬪孝文朝下

邑中蛇死二年秋有衛太子事事自趙人江充起

宣帝甘露元年黃龍見新豐

成帝鴻嘉元年冬黃龍見真定

後漢光武建武十二年六月黃龍見東河

章帝建初五年有八黃龍見於泉陵伏侯古今註曰見零陵泉陵湘水中相與戲其二大

如馬有角六枚大如駒無角

安帝延光元年九真言黃龍見無功歷城琅邪言黃龍見時安帝聽讒免太尉楊震震自殺又帝獨有一子以為太子信讒廢之是皇不中故有龍孽時多用佞媚故以為瑞應明年正月東郡又言黃龍二見濮陽

桓帝建和元年沛國言黃龍見譙

元嘉二年濟陰言黃龍見句陽金城言黃龍見允街

桓帝即位有大蛇見德陽殿上雒陽市令淳于翼曰蛇有鱗甲



兵之象也見於省中將有椒房大臣受甲兵之誅也其後梁冀以逆誅

延熹七年六月壬子河內有野王山上有龍死長可數十丈

松書曰長可百餘丈 襄楷以為夫龍者為帝王瑞易論大人天鳳中黃山

宮有死龍漢兵誅莽而世祖復興此易代之徵也至建安二十

五年魏文帝代漢

臣昭曰夫屈伸躍見變化無方非顯死之體桓帝將崩之表乎妖等占殊其例斯眾苟欲附會以同天鳳則帝涉三主年踰五十此為迂闊將恐準徵矣

永康元年八月巴郡言黃龍見時吏傳堅以郡欲上言內白事

以為走卒戲語不可太守不聽嘗見堅語云時民以天熱欲就

池浴見池水濁因戲相恐此中有黃龍語遂行人間聞郡欲以

為美故言時史以書帝紀桓帝時政治衰缺而在所多言瑞應

皆此類也又先儒言瑞與非時則為妖孽而民訛言生龍語皆

龍孽也

熹平元年四月甲午青蛇見御坐是

委任宦者王室微

弱

建寧二年夏青蛇見御坐軒前張奐上疏言陳蕃竇武未被明

宥妖青之來皆為此也

敦煌實錄曰蛇長六尺夜於御前當軒而見

熹 五年沛國言黃龍見譙光祿大夫橋玄問太史令單颺此

何祥也曰其國後當有王者興不及五十年亦當復見天事恒

象此其應也內黃殷登默而記至四十五年登尚在時延康元

年魏王丕嗣位三月黃龍見譙登聞之曰單颺之言其驗茲乎

魏明帝青龍元年正月甲申青龍見郊之摩陂井

此謂與非

時則為妖孽况困于井非嘉祥矣魏以改年非也干寶曰自明

帝終魏世青龍黃龍見者皆其主廢興之也魏土運青木色

而不勝于金黃得位青失位之象也青龍多見者君德國運內

相尅伐也故高貴鄉公卒敗于兵按劉向說龍貴象而困井中

是勿 龍蛇 文大通考卷三百三

十 崇禎三年重刊

諸侯將有幽執之禍也魏世龍莫不在井此居上者逼制之應
高貴鄉公著潛龍詩卽此旨也

高貴鄉公正元元年戊戌黃龍見于鄴井中

甘露元年正月辛丑青龍見軹縣井中 六月乙丑青龍見元
城縣界井中

二年二月青龍見温井中

三年黃龍青龍仍見頓丘冠軍陽夏縣界井中

四年正月黃龍二見寧陵縣界井中

元帝景元元年十二月甲申黃龍見華容縣井中

三年二月龍見軹縣井中

吳孫權黃武元年鄱陽言黃龍見

黃龍元年夏口武昌並言黃龍見權卽皇帝位改元

赤烏五年海鹽言黃龍見 年雲陽言黃龍見

孫休永安四年九月布山言白龍見 五年始新言黃龍見

六年泉陵言黃龍見 長沙言青龍見

孫皓天冊中龍乳於長沙人家啖鷄雛京房易傳曰龍乳人

冢王者爲廢人其後皓降晉

晉武帝泰始二年郡國言白龍見凡二

二年青龍十見黃龍九見

五年白龍二見弘農澠池

五年青龍二見於滎陽白龍二見于趙國

六年白龍二見於東莞

咸寧二年六月白龍二見新興井中又見武庫井中 十一月

白龍二見于梁國

太康元年白龍三見于永昌

二年白龍二見于濟南

物異 龍

文獻通考卷三百三

上

崇禎三年重刊

五年白龍見京兆
九年青龍黃龍各一見于魯國

龍見武庫井中帝觀之有喜色百僚將賀劉毅獨表曰昔龍
聚伏滿夏庭禍發周室龍見鄭門子產不賀帝答曰朕德政
未脩未有以應受嘉祥遂不賀也孫盛曰龍水物也何與於
人子產言之當矣但非其所處寔為妖灾夫龍以飛翔顯見
為瑞今則潜伏幽處非休祥也漢惠帝二年兩龍見蘭陵井
中本志以為其後趙王幽死之象武庫者帝王威御之器所
寶藏也屋宇邃密非龍所處是後七年藩王相害二十八年
果有二胡僭竊神器二逆皆宇曰龍此之表異為有證矣
愍帝建興二年十一月枹罕羌妓產一龍子色似錦文常就母
乳遙見神光少得就視此亦皇之不建於是帝竟淪沒
占纂末龍出東廂井中到其殿前蟠卧比旦失之俄又有黑

龍升其宮門纂咸以為美瑞或曰龍者陰類出入有時今而
屢見必有下人謀上之變後纂果為呂超所殺

武帝咸寧中司徒府有二大蛇長十許丈居聽事平僚音上而
人不知但數年怪府中數失小兒及猪犬之屬後有一蛇夜出
被刃傷不能去乃覺之發徒攻擊移時乃死夫司徒五教之府
此皇極不建故蛇孽見之漢靈帝時蛇見御坐賜以為帝溺
於色之應也魏代宮人猥多晉又過之燕游是酒此其孽也詩
云惟虺惟蛇女子之祥也

惠帝元康五年三月癸巳臨淄有大蛇長十餘丈負一小蛇入
城北門逕從市入漢城陽景王祠中不見天戒若曰昔漢景王
有定傾之功而不厲節忠慎以至失職奪功之辱今齊罔不寤
雖建興復之功而驕陵取禍此其徵也

明帝太寧初武昌有大蛇常居故神祠空樹中每出頭從人受

食京房易妖曰蛇見於邑不出三年有大兵國有大憂尋有王
敦之逆

恭帝元熙元年冬東方黑龍四登于天易傳曰冬龍見天千二
社稷大人受命

劉裕微時行止時見二小龍附翼樵漁山澤同侶或亦觀焉及
貴龍形更大後伐荻新洲見大蛇長數丈射之傷明日復至洲
裏聞有杵臼聲往覘之見童子數人皆青衣於榛中搗藥問其
故荅曰我王爲劉寄奴所射合散傳之裕曰王神何不殺之荅
曰寄奴王者不死不可殺裕叱之皆散仍收藥而反

慕容皝時有黑龍白龍各一見于龍山皝率羣僚觀之去龍
二百步祭以太牢二龍交首嬉翔解角而去皝大悅赦其境
內號新宮曰和龍

宋文帝發江陵有黑龍躍負上所乘舟左右莫不失色上謂王

曇首曰此乃夏禹所以受命吾何德以堪之至都羣臣勸進即
位

齊東昏侯永元三年七月丙辰龍鬪于建康淮激水五里

梁武帝天監二年北梁州潭中有龍鬪潰霧數里龍蛇之孽洪
範五行傳曰龍獸之難害者也天之類君之象天氣害君道傷
則龍亦害鬪者兵革之象也京房易飛侯曰衆心不安厥妖龍
鬪是時帝初即位而有陳伯之劉季連之亂國內危懼

普通五年六月龍鬪于曲阿王陂因西行至建陵城所經之處
樹木折開數十丈與天監二年同占經建陵而樹木折者國有
兵革之禍園陵殘毀之象時帝專以講論爲務不崇耕戰將輕
而卒情君道既傷故有龍孽之應帝殊不悟至太清元年黎州
水中又有龍鬪波浪湧起雲霧四合而見白龍南走黑龍隨之
其年侯景以兵來降帝納之而無備國人皆懼俄而難作帝以

憂崩

大同十年夏有龍夜因雷而墮延陵人家井中明旦視之大如驢將以戟刺之俄見庭中及室中各有大蛇如數百斛船家人奔走洪範五行傳曰龍陽類貴象也上則在天下則在地不當見庶人邑里室家井中幽深之象也諸侯且有幽執之禍皇不建之咎也後侯景反果幽殺簡文于酒庫宗室王侯皆幽死中大同元年有大蛇闖曲阿縣建陵隧中其一被傷奔走

元帝承聖二年有兩龍見湘州西江

三年三月主衣庫見黑蛇長丈許數十小蛇隨之舉頭高丈餘南望俄失所在帝又與宮人幸玄洲苑復見大蛇盤屈如前羣小蛇遠之並黑色帝惡之宮人曰此非怪也恐是錢龍帝敕所司即日取數十萬錢鎮於蛇處以厭之固設法會赦囚徒賑窮之退居 又蛇從屋墜落帝帽上忽然便失又龍光燄上

有輿復見小蛇縈屈輿中以頭駕夾膝前金龍頭上見人相隨飛去羣魚騰躍墜死於陸道龍處為窟若數百斛圖舊大城上常有紫氣至時稍復消歇 先時有二龍自南郡城西升天百姓聚觀五采分明江陵故老竊相泣曰昔年龍出建康淮而天下大亂今復有焉禍至無日矣帝聞而惡之踰年遘禍陳武帝討侯景軍頓西昌有龍見水濱高五丈五尺鱗曜軍人觀者數萬人

永定三年正月丁酉夜大雪及旦太極殿前有龍跡現

宣帝太建十一年正月龍見南兗州池中與梁大同十年同占未幾後主嗣位荒淫至於亡國為俘

後主末年有青龍出建陽門井湧霧又見大蛇中分首尾各走後魏孝靜帝天平二年龍見井州人家井中

東魏武定元年有大蛇見虎牢城時高仲密以虎牢叛附西魏神武爲西兵所窘

後齊天保九年有龍長七八丈見齊州大堂占同大同十年明帝崩太子殷立常山王演廢而奪之

河清元年龍見濟州浴堂中占同天保九年二年齊州上言濟河水中見八龍升天

天統四年貴鄉人伐枯桑得一黃龍折脚死於孔中齊稱木德龍君象木枯龍死不祥之甚其年武成崩

武平三年龍見邯鄲井中其氣五色屬天又見汲郡佛寺澗井中占同河清元年後主竟降周後被誅

武平七年并州招遠樓下有赤蛇與黑蛇鬪數日赤蛇死赤齊尚色黑周尚色鬪而死滅亡之象也後主任用邪佞與周師連兵於晉州之下委軍於孽臣高阿那肱竟起敵人皇不建之徒

也後主遂爲周師所虜 琅邪王儼壞北宮中白馬浮圖石

時澄公所建見白蛇長數丈迴旋失所在時儼專誅失中之咎也見變不知戒以及於難

後周建德五年黑龍墜於亳州而死龍君之象黑周所尚色墜死不祥後二歲帝崩太子立

大象元年有黑龍與赤龍鬪於汴州水側黑龍死次年宣帝崩靜帝立禪于隋

隋仁壽四年龍見代州總管府井中其龍或變爲鐵馬甲士鬪弓上射之象變爲鐵馬近禍也彎弓上射又近射妖諸侯將有

兵革之變致幽囚也後漢王諒坐反誅

唐貞觀八年七月隴右大蛇屢見蛇女子之祥大者有所象也又汾州青龍白龍見白龍吐物在空中光明如火墮地地陷掘

之得玄金廣尺長七寸

顯慶二年五月庚寅有五龍見於歧州之皇后泉

先天二年六月京師朝堂磚下有大蛇出長丈餘有大蝦蟆如盤而目赤如火相與鬪俄而蛇入于大樹蝦蟆入于草蛇蝦蟆皆陰類朝堂出非其所也

開元四年六月彬州馬嶺山下有白蛇與黑蛇鬪白蛇長六七尺吞黑蛇入腹口眼血流黑蛇長丈餘頭穿白蛇腹出俱死

天寶中洛陽有巨蛇高丈餘長百尺出芒山下胡僧無畏見之曰此欲決水緒洛城卽以天竺法呪之數日蛇裂

十四載七月有二龍鬪于南陽城西易坤上六龍戰于野文言曰陰疑于陽必戰

至德元載八月朔成都文人廟有肉角蛇見

二載三月有蛇鬪于南陽門之外一蛇死一蛇上城建中二年夏趙州寧晉縣沙河北有棠樹甚茂民祠之爲神有

數百千自東西來趨北岸者聚棠樹下爲二積留南岸者一積俄有徑寸龜三繞行積蛇盡死而後各登其積野人以告

蛇腹皆有瘡若矢所中刺史康日知圖其事奉三龜來獻

四年九月戊寅有龍見于汝州城壕龍去人象其潛也淵其飛也天城壕失甘所也

貞元十八年八月滄州言白龍見

貞元末資州得龍丈餘西川節度使韋臯匣而獻之百姓縱觀三日爲煙所薰而死

元和十年四月滑州言青龍見于新開河

太和二年六月丁丑西北有龍鬪

五年成都門外有龍與牛鬪
開城元年宮中有衆蛇相與鬪
光化三年九月抗州有龍鬪于浙江水溢壞民廬舍占同天寶

光啓二年冬鄜州洛交有蛇見天縣署復見于州署蛇冬則蟄
易曰龍蛇之蟄以存身也

乾符三年三月奉天鎮上言金龍晝見自河升天

蜀王建元年萬歲縣黃龍見

武定三年八月有龍三十見洵陽水中

永平二年十二月黃龍見富義江又見太昌也

宋太祖從周世宗征淮南戰於江亭有龍自水中向太祖奮躍
識者驚異以為出潛之兆

乾德五年京師雨有黑龍見尾於雲際自西北趨東南占主大

水明年州府二十四水壞田廬

六年四月單州單父縣民王美家龍起井中暴風雨漂廬舍失

族屬及壞舊鎮廨舍八二百五十餘區大木皆拔

開寶七年六月棣州有火自空墜於城北門樓有物抱東柱如

龍金色足三尺許其氣甚腥且視之壁上有煙痕瓜跡三十六

太平興國二年五月白龍見寧州要冊廟池中長數十丈東向

吐青白雲見者千餘人

大中祥符元年八月青蛇出無爲軍廨長數尺許

三年內侍任文慶奉詔於茅山設醮禱郭真人池取雙龍以歸

長二寸許鱗極細腹如玳瑁置手中仰覆無懼中路風雨失一

五月內出以示近臣令文慶送還茅山至華陽宮投池中俄於

岸側樹上觀二龍一乃放還者一乃所失者

六年五月迎奉聖祖至穀熟縣於聖祖舟中幢節上得小龍二

如茅山池中畜於禁中己巳方午忽失一守者求之不獲是夜

聞雷聲有光如火照淨閣翌日失者復至卽遣使送還茅山

六月趙州言聖像玉石舟度於河之石橋時河水淺澁有黑龍

鼓浪進舟凡歷二灘悉然舟既度河流復故詔遣官卽其所致
祭上清宮先天節道場香奩中獲小龍背有金彩三道尾有翠
文寸餘 八月建昌軍部民家麻姑山仙都觀設醮已巳五鼓
有龍出玉皇殿西北醮壇下升中天廻視長數丈金色隱隱有
雷聲聞數里

熙寧二年建州民楊緯言元年三月大雷雨所居之處有黃龍
見下獲一木如龍而形未具七月雷雨如初復有龍飛其上及
霽木龍尾翼足皆具歸合舊木宛然一體圖象以進

宣和元年夏雨連晝夜凡數日及霽開封縣前茶肆中有異物
如犬大蹲踞卧榻下細視之身厖六七尺色蒼黑有首類驢兩
頰作魚頭而色正綠頂有角生極長於其際始分兩歧聲如牛
鳴與世所繪龍無異茶肆近軍器作坊兵卒來觀共殺食之已
而京城大水訛言龍復讐云

紹興初朱勝非出守江州過沁山龍入其舟纜長數寸赤背
腹白尾黑爪甲有聲目有光近龍孽也時行都柴梁橋旌忠廟
有三蛇出沒庭廡大者盈尺方鱗金色首脊有金綫遇霽或變
化數百於蕉卉間廟徙而蛇亦絕

五年金虜冷山有二龍死冷 腥焰襲人其一無角其一額有
深穴如斧鑿痕虜酋夾乞買心截其角或言不祥乃止吳乞買
卒以是歲死

七年五月乙酉汴京有龍撼宣德門滅宣德二字劉豫亟命葺
之君龍象也宣德帝居也非豫所宜僭龍撼滅亡象也是歲偽
齊亡

八年夏金虜肥州灤水有蒼龍見明日爲黃龍以爪擊嬰兒爲
戲者三日有帝者服乘白馬六蟾蜍在其前是歲虜伐蒙爲蒙
所敗此龍孽之尤異者也

十一年四月潭州衡山縣西北淨居巖有蛇長二丈身圍數尺
黑色而方紋震死山水大至先是山氣遇夜輒昏昧蛇斃而夜
色始明

十六年温州平陽縣古剎老松有巢蛇食鸛鵲擊蛇蛇分三時
黃巖縣蛇孽亦如之

二十五年六月江州湖口縣有赤龍橫水中如山風濤大作寒
風肅然覆舟數十艘士卒溺者數十人

三十年春撫州宜黃縣有大蛇見于丞治長二丈捕之縱數里
外能復至者數四京房易妖曰蛇見于邑三年有大兵

乾道五年七月乙亥隆興府武寧縣龍鬪于西北大雨俄頃迅
雷起東南二龍奔逃墜珠如輪其他復塘村牧童得之自是邑
境連歲有水災易坤上六龍戰于野文言曰陰疑於陽必戰與
唐志天寶十四載同占春秋書龍鬪于洧淵亦水祥也

五年七月辛酉饒州紫樞坊二犬共搏一蝮俄頃三者俱
斃亦蛇孽也

魚異

周武王伐紂至孟津渡河中流白魚躍入王舟中魚者介鱗之
物兵象也白

者殷家之正色言殷
之象與周之家也武王俯取以祭

秦始皇八年河魚大上劉向以為近魚孽也時始皇弟長安君
將兵擊趙死留屯軍吏皆斬遷其民於臨洮長安軍至臨屯而
謀反乃賜死殺其

兵遷明年有嫪毐之誅魚陰類民之象逆流而上者民將不從
君令為逆行也在天文魚星中河而處車騎滿野至于二世暴
虐愈甚終用急亡京房易傳曰衆逆同志厥妖河魚逆流上

三十七年東巡並海上至之罘見巨魚射殺一魚
漢宣帝神爵元年幸河東祠后土東濟大河天氣清淨神魚舞
河

成帝鴻嘉四年秋雨魚于信都長五寸以下

永始元年春北海出大魚長六丈高一丈四枚

哀帝建平三年東萊平度出大魚長八丈一尺七枚皆京房易

傳曰海數見巨魚邪人進賢人踈

後漢靈帝熹平二年東萊海出太魚二枚長八九丈高二丈餘

明三中山王暢任城王博並薨京房易傳曰海出巨魚邪人進賢人踈臣路謂此占符靈帝之

世巨魚之出豈為二王之妖也

魏齊王嘉平四年五月有二魚集于武庫屋上此魚孽也王肅

曰魚生於水而亢於屋介鱗之物失其所也邊將其殆有棄甲

之變乎後果有東關之敗于寶以為高貴鄉公兵禍之應二說

皆與班固旨同

晉武帝太康中有鯉魚二見武庫屋上于寶以為武庫兵府魚

有鱗甲亦兵類也魚極陰屋上太陽魚見屋上不至陰以兵董

之禍于太陽也至惠帝初誅楊駿廢太后天交館閣元康末要

后謗殺太子尋亦誅廢十年之間母后之難再興是其應也自

是禍亂構矣京房易妖曰魚去水飛入道路兵且作

梁武帝大同十年帝幸朱方至四漚中及玄武湖魚皆驤首見

於上若望乘輿者帝入宮而沒洪範五行傳曰魚陰類也下人

象又有鱗甲兵之應下人將舉兵圍宮而睥睨乘輿之象其後

果有侯景之亂

後周大象元年六月陽武有鯉魚乘空而鬪猶臣下興起小人

從之而鬪也明年帝崩國失政尉遲迥起兵相州高祖遣兵擊

敗之

隋開皇十七年大興城西南四里有袁村設佛會有老翁皓首

白裙襦衣來食而去衆莫識追而觀之行二里許不復見但有

一陂中有白魚長丈餘小魚從者無數人爭射之或折弦斷後

竟中之剖其腹得杭飯始知此魚向老翁也後數日漕渠暴溢射人皆溺死

大業十二年淮陽郡驅人入子城鑿斷羅郎郭至女垣之下有穴其中得鯉魚長七尺餘昔魏嘉平四年魚集武庫屋上王肅以為魚生於水而亢於屋水之物失其所也邊將殆棄甲之變後果有東關之敗是時長白山賊寇掠河南月餘賊至城下郡兵拒之反為所敗男女死者萬餘人

唐如意中濟源路敬濠家水碾柱將壞易之為薪中有鮎魚長尺餘猶生近魚孽也

神龍中渭水有蝦蟆大如鼎里人聚觀數日而失是歲大水

開元四年安南都護府江中有大蛇首尾橫出兩岸經日而腐寸寸自斷數日江魚盡死蔽江而下十五五相附著江水臭元和十四年二月晝有魚長尺餘墜於鄆州市良久乃死魚失

水而隊于市敗滅象也

開成二年三月壬申有大魚長六丈自海入淮至濠州招義民殺之近魚孽也

乾符六年汜水河魚逆流而上至垣齒平陸界魚民象逆流而上民不從君令也

光啓二年揚州雨魚占如元和十四年

宋至道元年十二月廣州大魚擊海水而出魚死長六丈三尺高丈餘

政和七年夏中有二魚落殿中省廳屋上

二年內出魚純赤色蔡京等乞付史館拜表稱賀

建炎初越州應天寺有石眼纜方數寸深不可探舊號鱧并有魚如鱧有鱗有耳尾有刃跡每鱧出則郡有水旱厲疫近魚孽也

紹興十八年漳州漳浦縣崇塩塲海岸連有巨魚高數丈旁海人剖取肉數百車至剗目乃覺轉鬚而旁艦皆覆又漁人獲魚長二丈餘重數十斤剖之腹橫人髀膚髮如生京房易傳曰海數見巨魚邪人進賢入陳

二十年四月秀州海鹽縣海洋有巨鰓羣鰓從之聲若謳歌抵岸偃沙上猶揚鬚撥刺其高齊縣門樓其長百丈縣民鬻肉轉鬚壓死十數人頷骨長二丈五尺與前孽同占

乾道六年行都北關有鮎魚色黑腹下出人手於兩旁各具五指

七年十一月丁亥洞庭湖巨龜走沙擁舟身廣長皆丈餘升舟以首足壓重艦沒水

淳熙十三年二月庚申錢塘龍山江岸有大魚如象隨潮汐復

六年六月甲辰錢塘旁江居民得魚備五色鮓首鯉身民說言夢得魚覺而在手猶躍事聞有司令縱之

慶元三年二月饒州景德鎮漁人得魚頰尾鯉鱗而首異常魚鎮之老人言其不祥紹興二年嘗出後為水災蓋是歲五月鎮果大水皆魚孽也

嘉定十七年海壤畿縣塩管地數十里先是有巨魚橫海岸民嚮食之海患凡六年而平

文獻通考卷之三百十三

文獻通考卷之三百一十四

宋鄴陽 馬 端臨 貴與 著

明蘄陽 馮 天馭 應房 校刊

異物考 龜異

禹治水時神龜自洛出負文而列於背赤文朱字其數皆九禹因而第之以為九疇

宋元王二年江使神龜於河至於泉陽漁者豫且舉網得而

囚之索隱曰且音子余切泉陽人網元龜者置於籠中夜半龜來見夢於宋元

王曰我為江使於河而幕網當吾路泉陽豫且得我我不能

去身在患中莫可告語王有德義故來告訴元王惕然而悟

乃召博士衛平而問之索隱曰宋元君之臣也曰今寡人夢見一丈夫

延頸而長頭衣玄繡之衣而乘輜車來見夢於寡人曰我為

江使於河而幕網當吾路泉陽豫且得我我不能去身在患

中莫可告語王有德義故來告訴是何物也衛平乃援式而

起徐廣曰仰天而視月之光觀斗所指定日處鄉規矩為輔副以權衡四維已定八卦相望視其吉凶介蟲先見乃對元

王曰今昔壬子索隱曰今昔猶昨夜也以宿在牽牛河水大會鬼神相謀漢正南北正義曰漢大河江河固期南風新至江使先

來白雲壅漢萬物盡留斗柄指日使者當囚玄服而乘輜車

其名為龜王急使人問而求之王曰善於是王乃使人馳而

往問泉陽令曰漁者幾何家名誰為豫且豫且得龜見夢於

王王故使我求之泉陽令乃使吏按籍視圖水上漁者五十

五家上流之廬名為豫且泉陽令曰諾乃與使者馳而問豫

且曰今昔汝漁何得豫且曰夜半時舉網得龜莊子曰得白

使者曰今龜安在曰在籠中使者曰王知子得龜故使我求

之豫且曰諾即繫龜而出之籠中獻使者使者載行出於泉

陽之門正晝無見風雨晦冥雲蓋其上五采青黃雲雨並起

風將而行入於端門見於東廂身如流水潤澤有光望見元

王延頸而前三步而止縮頸而卻復其故處元王見而怪之

問衛平曰龜見寡人延頸而前以何望也縮頸而復是何當

也衛平對曰龜在患中而終昔囚王有德義使人活之今延

頸而前以當謝也縮頸而卻卻亟去也元王曰善哉神至於

此乎不可久留趣駕送龜勿令失期衛平對曰龜者是天下

之寶也先得此龜者為天子且十言十當十戰十勝生於深

淵長於黃土知天之道明於上古游三千歲不出其域安平

靜正動不用力壽敝天地莫知其極與物變化四時變色居

而自匿伏而不食春蒼夏黃秋白冬黑明於陰陽審於刑德

先知利害察於禍福以言而當以戰而勝王能寶之諸侯盡

服王勿遣也以安社稷元王曰龜甚神靈降於上天陷於深

淵在患難中以我為賢德厚而忠信故來告寡人寡人若不
遣也是漁者也漁者利其肉寡人貪其力下為不仁上為無
德君臣無禮何從有福寡人不忍奈何勿遣衛平對曰不然
臣聞盛德不報重寄不歸天與不受天奪之寶今龜周流天
下還復其所上至蒼天下薄泥塗還徧九州未嘗愧辱無所
稽畱今至泉陽漁者得而囚之王雖遣之江河必怒務求報
仇自以為侵因神與謀淫雨不霽水不可治若為枯旱風而
揚埃蝗蟲暴生百姓失時王行仁義其罰必來此無他故其
崇在龜後雖悔之豈有及哉王勿遣也於是元王向日而謝
索隱曰蓋欲神之以謝天之質
向日者天之光明著見者也再拜而受擇日齋戒甲乙最
良乃刑白雉及與羈羊以血灌龜於壇中央以刀剝之身全
不傷脯酒禮之橫其腹腸荆支卜之必制其剝理達於理文
相錯迎使工占之所言盡當邦福重寶徐廣曰福
音副藏也聞于傍鄉

樂牛取革被鄭之桐櫛廣曰牛革
櫛為鼓也草木畢分化為甲兵戰勝
攻取莫如元王元王之時衛平相宋宋最疆龜之力也故云
神至能見夢於元王而不能自出魚者之籠身能十言盡當
不能通使於河還報於江賢能令人戰勝攻取不能自解於
刀鋒劍刺之患聖能先知亟見而不能令衛平無言

魏陳留王咸熙二年二月胸臆縣獻靈龜歸於相府

晉咸康中豫州刺史毛寶戍邾有一軍人於武昌市買得白龜
長五尺置瓮中養之漸大放江中後邾城遭石虎攻陷赴江者
莫不沉溺所養龜人被甲投水中覺如墮一石上須臾視之乃
是先所放白龜既抵岸迴顧而去

符堅時高陸人穿井得龜大三尺背有八卦堅命太卜池養
之累後死藏其骨于太廟其夜廟丞高慶夢龜謂之曰我本
出將歸江而遭時不遇隕命秦庭又有人夢中謂虜曰龜三

千六百歲而終必妖興亡國之徵也

隋開皇中掖庭宮每夜有人來挑宮人宮司以聞帝曰門衛甚嚴人何從入當以妖精耳因戒宮人曰若逢但斬之其後有物如人來登床宮人抽刀斬之若中枯骨其物落床而走宮人逐之因入池而及明日帝涸池得一龜徑尺餘上有刀跡殺之遂絕龜者水居而靈陰謀之象晉王諂媚宮掖求嗣之應云

唐大足初度州獲龜六眼一夕而失

上元二年有龜聚于揚州城門上節度使鄧景山以問族弟珽對曰龜介物兵象也

貞元三年潤州魚鼈蔽江而下皆無首

太和三年魏博管內有蟲狀如龜其鳴晝夜不絕近龜孽也

秦宗權在蔡州州中忽地裂有石出高五六尺廣袤丈餘正如大龜

太平興國三年二月鑿金明池既掘地有龜出殆踰萬數

大中祥符二年四月有黑龜甚衆汭汭水而下占龜介族也黑北方色是歲契丹國母卒

太平興國間末州益州饒州萬安永州新州俱獻六目龜廬州獻龜大如掌綠毛覆甲潤澤可愛錄不蘇州獻白龜大如

錢其色瑩潔 兗州衛州獻金龜

至和元年二月癸亥信州貢綠毛龜

嘉祐八年十月鼎州芝草叢生下得異龜

大觀元年閏十月丙戌成都水使者趙霆行河得兩首龜以為瑞蔡京信之曰此齊小白所謂象罔見之而霸者也鄭居中曰首豈容有二而京主之意殆不可測帝命棄龜金明池

政和四年端州進六目龜 五年博州進白龜

宣和四年雄州地大震玄武見於州之正寢有龜大如錢蛇若

朱漆筋相逐而行官撫使焚香再拜以銀奩貯二物俄俱死

紹興八年五月汴京大康縣大雷雨下水龜數十里隨大小皆

龜形具手足卦文龜猶歸也龜又介物兵象也水有消釋之象

此亦京將復歸而釋兵也時秦檜主和議罷兵自是神州陸沉

乾道五年舒州民獻龜駢生二首不能伸縮郡守張棟縱之潛

山近龜孽也

嘉定十四年春楚州境上龜大小死者蔽野後十年歸正人李

全叛死又龜者介蟲也是時被介冑死者何可勝數

蟲異

漢武帝元鼎五年秋蛙與蝦蟇群鬪時四將軍衆十萬征南越

開九郡蛙也似蝦蟇而長脚其色青

元帝建昭元年八月有白蛾群飛蔽日從東都門至軹道師古

成群若今之蠶蛾類是也

成元建始元年六月有青蠅無萬數言其極多雖欲以集未央

宮殿中朝者坐公卿以下朝會坐也

後漢光武建武三年野蠶成繭

吳孫權黃龍二年有野蠶成繭如卵

晉太康四年會稽彭蠡及蟹皆化鼠甚衆復大食稻爲災

惠帝元康中洛陽南山有虫武庚反作聲曰韓尸尸識者曰韓氏

將尸也言尸尸者盡死也其後韓謚誅而韓族滅焉此青祥也

符堅將爲赦與王猛符融密議於露堂悉屏左右堅親爲赦

文猛融供進紙墨有一大蒼蠅入自牖間鳴聲甚大集于筆

端驅而復來俄而長安街巷市里人相告曰官今大赦有司

以聞堅驚謂融猛曰禁中無耳屬之理事何從泄也於是勅

外窮推之咸言有一小兒衣黑衣大呼於市曰官今大赦須

臾不見堅歎曰其蒼蠅乎聲狀非常吾固惡之

梁武帝天監十二年新昌濟陽二郡野蠶成繭

太清二年益州草有飛蠶萬群蟄八死

周天元大象元年八月所在蠆群闐各四五尺死十七八

唐貞觀十二年六月徐州言野蠶成繭徧於山阜

十三年野蠶食榭葉成繭大如柰其色綠凡收六千五百七十

石至十四年又收八千三百石

天寶五年九月太原奏文水縣冬蠶成繭

貞元十四年四月江西溪澗魚頭皆戴蚯蚓

長慶四年五月淄青奏登州蓬萊山谷間約四十里野蠶成繭

其絲可織

開成二年京城有蟻聚長五六十步闊五尺至一丈厚五寸至

一尺

太和元年鄭注篋中藥化為蠅數萬飛去 十月陳許奏界內

蠶自生桑上三通成繭連縣九十里百姓收拾得並抽絲得

絲綿并織成紬絹

宋乾德四年八月京兆府野蠶成繭其絲織潤可愛

開寶六年漢陽軍獻蛤有文隱起成龍長五寸許金色鱗甲皎

然七年正月齊州獻野蠶繭二萬枚 五月開封府封立縣民

程鐸家發蠶族有繭聯屬自成被廣五尺長倍之

咸平五年五月荊門軍民家蠶族上得繭自成被 七月開封

府陽武縣民家野蠶成繭

大中祥符元年五月開封府酸棗縣民程矩家蠶繭自成被色

輕重密緻柔滑非人功可及

五年五月藤州鐔津縣野蠶成繭是州不產絲蠶此食山柘而

成絨絲以獻

六年八月亳州譙縣民李貴園桑野蠶成繭奉祀經度制置使

物異 卷三十四 六

丁謂采蠶繅絲屏絮以獻

景祐四年五月滑州上靈河縣民黃慶家蠶自成被長二丈五尺闊四尺

嘉祐二年十月深州言野蠶成繭被于原野

元祐六年閏八月定州七縣野蠶成繭

七年五月濰州北海縣蠶自織如絹成領帶

元符元年七月真定府藁城縣野蠶成繭 八月真定府行唐

縣野蠶成繭 九月祁州深澤縣野蠶成繭織絁成萬疋

二年六月房州房陵縣野蠶成繭

政和元年九月河南府野蠶成繭

四年相州野蠶成繭

五年南京野蠶成繭織紬五疋綿四十兩聖繭十五兩

蝗蟲

春秋桓公五年秋螽師古曰螽即阜螽即今之蝗也螽音終蝗音之庸反劉歆以為貪

虐取民則螽介蟲之孽也與魚同占劉向以為介蟲之孽屬言

不從是歲公獲二國之聘取鼎易邑師古曰二國宋鄭也宋以部略公鄭以泰山之田

易許興役起城師古曰謂五年夏城祝丘也諸螽畧皆從董仲舒說云

嚴公二十九年有蜚劉歆以為負螿也性不食穀食穀為災介

蟲之孽師古曰蜚音快味反螿音煩劉向以為蜚色青近青青也非中國所

有南越師古曰蜚者中國所有非南越盛暑男女同川澤淫風所生為蟲臭惡

之蟲未詳是時嚴公取齊淫女為夫人既入淫於兩叔故蜚至

天戒若曰今誅絕之尚及不將生臭惡聞於四方嚴不寤其後

夫人與兩叔作亂二嗣以殺師古曰二嗣謂子般及閔公也卒皆被辜師古曰謂二叔

哀姜皆不得其死也巳解於上董仲舒指畧同

僖公十五年八月螽劉向以為先是僖有鹹之會後城緣陵是

歲復以兵為牡丘會使公孫敖帥師及諸大夫救徐兵比年三

武帝建元五年五月大蝗

元光五年秋蝗

六年秋蝗先是五將軍衆三十萬伏馬邑欲襲單于是歲四將軍征匈奴

元鼎五年秋蝗是歲四將軍征南粵及西南夷開十餘郡

元封六年秋蝗先是兩將軍征朝鮮開三郡

太初元年夏蝗從東方飛至燉煌

三年秋復蝗 元年貳師將軍征大宛天下奉其役連年

征和三年秋蝗四年夏蝗先是一年三將軍衆十餘萬征匈奴

貳師七萬人沒不還

平帝元始二年秋蝗徧天下時王莽秉政 王莽地皇三年夏

蝗從東方來蜚蔽天至長安入未央宮緣殿閣草木盡

二十八年郡國八十蝗

二十九年四月武威酒泉清河京兆魏郡弘農蝗

三十一年郡國大蝗

明帝永平四年酒泉大蝗從塞外入

十五年蝗起泰山彌行兗豫

和帝永元四年蝗

八年五月河內陳畱蝗九月京都蝗

九年蝗從夏至秋先是西羌數反遣將軍將北軍五較征之

安帝永初四年夏蝗是時西羌寇亂軍衆征距連十餘識曰主失禮傾

苛則旱之魚螺變爲蝗蟲

五年夏九州蝗京房占曰天生萬物百穀以給民用天地之性

蟲與民爭食居位食祿如蟲矣不救致兵起其六年三月去蝗

處復蝗子生古今計曰郡七年夏蝗

元初元年夏郡國五蝗二年夏郡國二十蝗

延光元年六月郡國蝗

順帝永建五年郡國十二蝗是時鮮卑寇朔方用衆征之

永和元年秋偃師蝗去年冬烏桓寇沙南用衆征之

桓帝永興元年七月郡國三十二蝗是時梁冀秉政無謀獻有

貪權作虐春秋政異稱曰貪擾生蝗

二年六月京都蝗

永壽三年六月京都蝗

延熹元年五月京都蝗臣昭按劉歆傳皆逆天時聽不聽之禍也養奮對策曰佞邪以不正食祿饗所

致謝沈書曰九年楊州六郡連水旱蝗害也

靈帝熹平六年夏七州蝗先是鮮卑前後三十餘犯塞是歲護

烏桓較尉夏育破鮮卑中郎將田晏使匈奴中郎將城文將南

單于以下三道並出討鮮卑大司農經用不足殷歛君國以給

三將無功還者少半

光和元年詔策問曰連年蝗蟲至冬踊其咎烏在蔡邕對曰臣

聞易傳口大作不時天降災厥外蝗蟲來河圖祕徵篇曰帝會

則政暴而吏酷酷則誅深必殺主蝗蟲貪苛之所致也是

時百官遷徙皆私上禮西園以為府秦邕對曰蝗蟲出息不急

黜貪虛分損承安居省別藏以贍國用則其救也易曰得臣無家言有天下者何私家之有

獻帝興平元年夏大蝗是時天下大亂

建安二年五月蝗

魏文帝黃初三年七月冀州大蝗人飢按蔡邕說蝗者在上貪

苛之所致也是時孫權歸順帝因其有西陵之役舉大衆襲之

權遂背叛也

晉武帝太始十年六月蝗是時荀勗在政疾害公直

惠帝末寧元年郡國六蝗

懷帝末嘉四年五月大蝗自幽并司其至于秦雍草木牛馬毛

物異

鬻皆盡是時天下兵亂魚獵黔黎存亡所寄惟司馬越苟晞而已競為暴刻經畧無章故有此孽

愍帝建興四年六月大蝗去歲劉曜頻攻北地馮翊趙允等悉衆禦之卒為劉曜所破西京遂潰

五年帝在平陽司真青雍益

元帝太興元年六月蘭陵合鄉蝗害禾稼乙未東莞蝗蟲縱橫三百里害苗稼七月東海彭城下邳臨淮四郡蝗蟲害禾豆八月冀青徐三州蝗食生草盡于二年是時中州淪喪暴亂滋甚也

二年五月進後臨淮淮南安曲廬江等五郡蝗蟲食夏麥是月

癸丑徐州江西諸郡蝗吳郡百姓多餓死去年王敦拜

領荊州苛暴自此興矣

孝武帝太元十五年八月兗州蝗是時慕容氏逼河南征戍不

已故有斯孽

十六年五月飛蝗從南來集堂邑縣界害苗稼又年春發江州

兵營甲士二千人家口六七千配護軍及東宮以尋散亡殆盡

又邊將連有征役故有斯孽

劉聰末年河東大蝗唯不食黍豆劉準率部入收而埋之哭

聲聞於十餘里後乃鑽土飛出復食黍豆

石虎時河朔大蝗初穿地而生二旬則化狀若蠶七八日而

卧四日蛻而飛彌亘百草唯不食二豆及麻符

符徒時蝗蟲大起自華陰至隴山食百草遺牛馬相噉毛

宋文帝元嘉二年秋旱且蝗

梁武帝大同初大蝗籬門松栢葉皆盡京房易飛候曰食祿不益聖化天視以蟲蟲無益於人而食萬物也時公卿皆以虛瘡為災不親職事無益食物之應也

後齊文宣天保八年河北六州河南十二州蝗殺人皆祭之時
外築長城內修三臺役者不止九年山東又蝗十年幽州大蝗
河清二年并汾晉東雍南汾五州蟲旱傷稼

後周建德二年關中大蝗

隋開皇十六年并州蝗時秦孝王俊哀刻百姓盛修邸第後獲
譴死

唐武德六年夏州蝗蝗之殘民若無功而祿者然皆會撓之所
生先儒以為人主失禮煩苛則旱魚螺變為蟲蝗故以屬魚孽
貞觀二年六月京畿旱蝗太宗在苑中撥蝗祝之曰人以穀為
命百姓有過在予一人但當蝕我無害百姓將吞之侍臣懼帝
致疾遽以為諫帝曰所冀移災朕躬何疾之避遂吞之是歲蝗
不為災

三年五月徐州蝗秋德戴廓等州

七年夏東都同華陝虢及京畿蝗 九年江淮關內及東都蝗
十年夏陝虢等州蝗不絀無德虐取於民之罰

乾符二年蝗自東而西蔽天

光啟元年秋蝗自東方來羣飛蔽天

二年荆襄蝗斗米錢三千人相食淮南蝗自西來行而不飛浮
水緣城入揚州府署竹樹幢節一夕如剪幡幟畫像皆齧去其
首撲不能止旬日自相食盡

梁開平元年六月許陳汝蔡穎五州蝻生有野禽羣飛蔽空食
之皆盡

後唐同光三年九月鎮州奏飛蝗害稼

晉天福七年四月山東河南關西諸郡蝗害稼至八年四月天
下詔道州飛蝗害稼食草木葉皆盡詔州縣長吏捕蝗華州節
度使楊彥珣雍州節度使趙瑩命百姓捕蝗一斗以祿粟一斗



實之時蝗旱相繼人民流遷飢者盈路關西餓殍尤甚死者十有七八朝廷以軍食不充分命使臣諸道括借粟麥晉氏自此衰矣

漢乾祐元年七月青鄆兗齊濮沂密邢曹皆言蝗生開封府奏

陽武雍丘襄邑等縣蝗開封尹侯益遣人以酒殺致祭尋為鸚

鵒食之皆盡勅禁羅弋鸚鵒以其有吞蝗之異也

二年五月博州奏有喙生化為蝶飛去宋州奏蝗一夕抱草而

死差官祭之復命尚書侍郎段希堯祭東嶽太府卿劉皞祭中

嶽皆慮蟲螟為災故也

宋建隆元年七月澶州蝗

二年五月濮州范縣蝗

三年七月兗濟德磁洛五州喙生真定府深州蝻蟲生

四年六月澶濮曹絳等州有蝗七月懷州蝗生

乾德二年四月相州蝻蟲食桑五月趙州昭慶縣有蝗東西四

十里南北二十里是夏河南河北陝西諸州皆有蝗

三年七月諸路有蝗淄州民韓贊斷手指以祭

開寶二年八月真定府冀州蝗

太平興國二年六月磁州有黑蟲羣飛食桑夜出晝隱食葉殆

盡閏七月衛州蝻蟲生

六年七月河南府宋州蝗

七年四月唐州北陽縣蝻蟲生有飛鳥食之盡河南府滑州蝻

蟲生五月大名府陝州陳州蝗七月鄆州陽穀縣蝻蟲生

九年七月泗州喙蟲食桑

雍熙二年四月天長軍喙蟲食苗

三年七月濮州鄆城縣有蝗俄自死

淳熙元年四月鄆州中都縣蝻蟲生七月單州碭山縣蝗曹州

濟陰縣有蝗自北來飛亘天有聲

異物 蝗

文獻通考卷三百四

崇禎三年重刊

二年三月亳州蝻蟲生遇雨而死六月淄澶濮州乾寧軍並蝗
生七月寧邊軍有蛤滄州蝻蟲食苗棣州有飛蝗自北來害稼
三年六月甲申京師有蝗起東北趣西南蔽空如雲翳日七月
貝許滄沂蔡汝商兗單等州淮陽平定靜戎軍蝗俄抱草自死
至道二年六月亳宿密州蝗生食苗七月許州長葛陽翟二縣
有蝻蟲食苗齊州歷城長青等縣有蝗
三年七月單州蝻蟲生

景德元年八月陝濱棣州蟲害稼

二年六月京東諸州蝻蟲生

三年八月德博州蝻生

四年九月陳州宛丘縣鄆州東河須城二縣蝗

大中祥符二年五月雄州蝻蟲食苗

三年六月開封府咸平尉氏二縣蝻蟲生

四年六月開封府祥符縣有蝗七月河南府及京東蝗生食苗
葉八月開封府祥符咸平中牟陳留雍丘封丘六縣蝗生

九年六月京畿京東西河北路蝗蝻繼生彌覆郊野食民田殆
盡入公私廬舍七月辛亥過京師羣飛翳空延至淮南趣河東
及霜寒始斃

天禧元年二月開封府京東西河北河東陝西江淮兩浙荆湖
百三十州軍蝗蝻復生多去歲蟄者和州蝗生卵如稻粒而細
六月江淮大風多吹蝗入江海或抱草木僵死

二年四月江陰軍蝻蟲生

天聖三年七月丙午邢洛州蝗甲寅趙州蝗不食苗是歲京兆
府旱蝗

六年五月巳卯河北京東蝗

明道元年十月中甲寅濠州蝗

二年七月庚辰開封界京東西河北河東陝西蝗

景祐元年六月乙卯開封府淄州蝗諸路募民掘蝗子萬餘石

寶元二年六月曹濮單三州蝗

慶曆四年春淮南旱蝗京師飛蝗蔽天

熙寧元年秀州蝗

五年河北大蝗

六年四月河北諸路蝗是歲江寧府飛蝗自江北來

七年夏開封府界及河北路蝗七月咸平縣鸚鵡食蝗

八年八月淮西蝗陳穎州蔽野

九年夏開封府畿京東河北陝西蝗五月荆湖南路地生黑蟲

化蛾飛去全州生黑蟲食苗黃雀來食之皆盡

元豐四年六月河北蝗 秋開封府界蝗

五年夏又蝗 六年夏又蝗 五年沂州蝗

元符元年八月高郵軍言飛蝗抱草死

崇寧元年夏開封府界京東河北淮南等路蝗

二年諸路蝗今有司酬祭

三年四年連歲大蝗其飛蔽日來自山東及府界惟河北尤甚

宣和二年諸路蝗

建炎二年六月京師淮甸大蝗令長吏修酬祭

紹興二十九年七月盱眙軍楚州虜界三十里蝗為風所墮風

止復飛回淮北虜知天佑自是不敢祭

三十二年六月江東淮南北郡國蝗飛入湖州境聲如風雨自

癸巳至十七月丙申飛徧畿縣餘杭仁和錢塘皆蝗丙午蝗入

京城八月山東大蝗江淮諸道及食令癸丑頒祭脯禮式

隆興元年七月大蝗辛丑詔羣臣言關失八月子上升次

八月壬申癸酉飛蝗過都蔽天日微宣湖三州

及浙東郡縣害稼遂下捕九月京都大蝗襄隨蝗其民為之食

二年夏畿縣餘杭大蝗今清臣察

乾道元年六月淮西蝗憲臣姚岳貢死蝗為瑞上斥其佞坐黜

淳熙二年八月淮北飛蝗楚州盱眙軍界如雲陣風雷者逾時

遇大雨皆死稼用不害

九年六月滁州全椒縣和州歷陽烏江縣蝗乙卯飛蝗過都遇

大雨墮仁和縣界蘆蕩茅穗令徒七月淮甸大蝗真揚泰州嘗

撲蝗五千斛餘郡或日捕數十車群飛絕江墮鎮江府皆害稼

今淮浙郡

十年六月淮浙舊蝗遺育害稼

十四年七月畿縣仁和蝗蝗始生令捕

紹熙二年七月泰州蝗自高郵縣

五年八月楚和州蝗

嘉泰二年浙西大蝗自丹陽入武進若煙霧蔽天其墮百十餘
里常之三縣捕八千餘石湖之長興捕數百石時浙東近郡亦

蝗

開禧三年夏秋久旱大蝗群飛蔽天先是浙西郡縣首種不入

或種豆粟皆既于蝗漢志言魯宣公秋食以為宣無孰歲數有

軍旅又漢武帝比年秋蝗興師征四夷之北時韓侂胄開邊兵

禍連結故有此孽

嘉定元年五月江浙大蝗乙丑上懼災六月乙酉有事于園丘

方澤且祭醮七月又醮放醮式于郡國

二年四月又蝗下捕五月丁酉令諸郡脩醮祀六月辛未飛蝗

入畿縣令守臣

七年六月浙郡蝗

八年四月北境飛蝗越淮而南江淮郡蝗食禾苗山林草木皆

蓋乙卯飛蝗入畿縣已亥祭酺令蝗郡如式以祭是歲自夏徂秋蝗患不息諸道捕蝗者以千萬石計飢民競捕官以粟易九年五月浙東蝗丁巳令郡國酺祭令諸道部使者督捕是歲荐饑官以粟易蝗者千百斛及冬校比而賞罰之

蝗

春秋隱公五年秋蝗董仲舒劉向以為時公觀漁于棠貪利之也劉歆又以為逆臧儋伯之諫貪利區翟以生羸蟲之孽也八年九月蝗時鄭伯以邴將易許田有貪利心京房易傳曰臣安祿茲謂貪厥災蟲蟲食根德無常茲謂煩蟲食葉不絀無德歲本與東作爭茲謂不時蟲食節蔽惡生孽蟲食心莊公六年秋蝗董仲舒劉向以為先是衛侯朔出奔齊齊侯會諸侯納朔許諸侯賂齊人歸衛寶魯受之貪利應也

漢文帝後六年秋螟是歲匈奴大入上郡雲中烽火通長安遣三將軍屯邊三將軍屯京師

後漢章帝七八年間郡縣大螟傷稼語在魯恭傳而紀不錄時章帝用竇皇后讒害宋梁二貴人廢皇太子

靈帝熹平四年六月弘農三輔螟蟲為害時靈帝用中常侍曹節等讒言禁錮名士謂之黨人

中平二年七月三輔螟蟲為害

晉武帝咸寧元年七月郡國螟九月青州又螟是月郡國有青蟲食禾稼

四年司馬亮豫荆楊郡國二十螟

九年八月郡國二十四螟九月蟲又傷秋稼時帝聽讒讓寵任賈充楊駿故有蟲蝗之災不絀無德之罰

惠帝元康三年九月帶方等六縣螟食禾葉盡

末寧元年七月梁益涼三州螟時齊王罔執政貪苛之應十月
南安巴西江陽太原新興北海青蟲食禾葉甚者十傷五六十
二月郡國六螟

唐貞觀二十一年八月萊州螟

開元二十二年八月榆關好妨蟲害稼入平州界有羣雀來食
之一日而盡二十六年榆關好妨蟲害稼群雀來食之

三載青州紫蟲食苗有鳥食之

廣德元年秋好妨蟲害稼關中尤甚斗米千錢

長慶四年絳州好妨蟲害稼

大和元年秋河東同虢等州好妨蟲害稼

四年河南黑蟲食苗

宋建隆二年九月華州渭南縣好妨蟲傷稼

乾德六年七月階州好妨蟲生

太平興國二年七月邢州鉅鹿沙河二縣步屈蟲食桑麥殆盡

五年七月濰州好妨蟲食稼殆盡

七年九月邠州好妨蟲生食稼

端拱二年七月施州好妨蟲生害稼

大中祥符四年八月兗州好妨蟲生有蟲青色隨齧之化爲水

天聖五年五月戊辰磁州蟲食桑

六年庚戌同華等州旱好妨蟲食苗

紹興二十九年秋浙東江東西郡縣螟

三十年十月江浙郡國螟

隆興元年秋紹興府湖州螟浙東西郡國螟多爲穀災

二年台州螟

乾道三年八月江東郡縣螟騰淮浙諸路多以青蟲食穀穗爲
災

六年秋浙西江東螟蟲為害

九年秋吉贛州臨江南安軍皆有螟

淳熙二年秋浙江淮郡縣間有螟害

四年秋昭州螟

五年昭州荐有螟蝥

七年秋永州螟

八年秋江州螟

十二年八月平江府有蟲聚于禾穗惟油可墮一夕大雨晝滌

十四年秋江州興國軍螟

十六年秋温州螟

慶元三年秋浙東蕭山山陰縣婺州浙西富陽益官淳安永興

縣嘉興府皆螟

四年秋江東鉛山縣蟲食穀田無遺穗

嘉定十四年明台温婺衢蝥蝥為災

十五年秋贛州螟

十六年秋永道州螟

鼠妖

春秋成公七年正月鼯鼠食郊牛角師古曰鼯小鼠也師改卜今所謂甘鼠者音奚

牛又食其角劉向以為近青祥亦牛禍也不敬而備禘之所致

也昔周公制禮樂成周道故成王命魯郊祀天地以尊周公至

成公時三家始顛政魯將從此衰天愍周公之德痛其將有敗

亡之禍故於郊祭而見戒云鼠小蟲性盜竊鼯又其小者也牛

大畜祭天尊物也角兵象在上君威也小小鼯鼠食至尊之牛

角象季氏乃陪臣盜竊之人將執國命以傷君威而害周公之

祀也改卜牛鼯鼠又食其角天重語之也重音直用反成公怠慢昏

亂遂君臣更執于晉至於襄公晉為溴梁之會天下大夫皆奪

異物 鼠妖 文獻通考卷三百四

崇禎三年重刊

君政漢梁之會諸侯皆在而晉叔孫豹晉荀偃宋向戌其後三

家逐昭公卒死于外幾絕周公之祀董仲舒以為麤鼠食郊牛

皆養牲不謹也京房易傳曰祭天不謹厥妖麤鼠齧郊牛角

定公十五年正月麤鼠食郊牛牛死劉向以為定公知季氏逐

昭公罪惡如彼親見孔子為夾谷之會齊人歸耶謹龜陰之田

聖德如此反用季桓子淫於女樂而退孔子無道甚矣是歲五

月定公薨牛死之應京房易傳曰子不于鼠食其郊牛

哀公元年正月麤鼠食郊牛劉向以為天意汲汲於用聖人逐

三家故復見戒也哀不寤身奔于越

漢昭帝元鳳元年九月燕有黃鼠啣其尾舞王宮端門中宮之正門

王往視之鼠舞如故王使吏以酒脯祠鼠舞不休一日一夜死

近黃祥時燕刺王日謀反將死之象也其月癸亥伏辜京房易

傳曰誅不原情厥妖鼠舞門師古曰不原情者不得其本情

成帝建始四年九月長安城南有鼠衝黃蒿柏葉上民家相及

榆樹上為巢桐柏尤多師古曰桐柏本亭名衛恩后於其地葬也巢中無子皆有乾

鼠矢數十時議臣以為恐有水災鼠盜竊小蟲夜出晝匿今晝

去穴而登木象賤人將居顯貴之位也桐柏衛后園所在也其

後趙皇后自微賤登至尊與衛后相類趙后終無子而為害明

年有鳶焚巢殺子之異也師古曰鳶音七全反天象仍見甚可畏也

也師古曰一曰皆王莽竊位之象云京房易傳曰臣私祿罔辟李奇曰辟君也

師古曰魏齊王正始中中山王周南為襄邑長有鼠從穴出語曰王周

南爾以某日死周南不應鼠還穴後致期更冠幘皂衣出語曰

周南汝日中當死又不應鼠後入穴斯須更出語如前日適欲

中鼠入須臾復出出入轉更數語如前日適中鼠曰周南汝不

應我復何道言絕顛蹙而死即失衣冠取視具如常鼠按班固

應我復何道言絕顛蹙而死即失衣冠取視具如常鼠按班固

應我復何道言絕顛蹙而死即失衣冠取視具如常鼠按班固

應我復何道言絕顛蹙而死即失衣冠取視具如常鼠按班固

以為黃祖時曹爽專政競為北周故鼠作變也

晉太康時彭祖化為鼠見蟲異門

陳後主禎明二年四月群鼠無數自蔡州岸入石頭淮至青塘兩岸數日死隨流出江近青祥也京房易飛候曰鼠無故群居不充聚聚者其君死未幾亡國

武德元年秋李密王世充隔洛水相拒密營中鼠一夕渡水

去占曰鼠無故皆夜去必有兵

貞觀十二年建州鼠害稼

二十一年渝州鼠害稼

顯慶三年長孫無忌第有大鼠見於庭月餘出入無常後忽然死

龍朔元年十一月洛州猫鼠同處鼠隱伏象盜竊猫職捕啣而

反與鼠同象司次聖者廢職容安姪

弘道初梁州舍有大鼠長二尺餘為猫所嗜數百鼠反噬猫少選聚萬餘鼠州遣人捕擊殺之餘皆去

景雲中有蛇鼠鬪于右威衛管東街槐樹蛇為鼠所傷鬪者共象

景龍元年基州鼠害稼

開元二年韶州鼠害稼于萬餘群

天寶元年十月魏郡猫鼠同乳同乳者甚于同處

大曆十三年六月隴右節度使朱泚於兵家得猫鼠同乳以獻

大和三年成都猫鼠相乳

開成四年江西鼠害稼

咸通十二年正月汾州孝義縣民家鼠多銜高芻巢樹上鼠穴居去穴登木幾人將貴之象

乾符二年秋河東諸州多鼠穴屋壞衣三月止鼠盜也天戒若

白將有盜矣

乾寧末陝州有蛇鼠鬪于南河之內蛇死而鼠亡去

後唐清泰三年三月有蛇鼠鬪于師子門外鼠殺蛇其年十二

月晉高祖起兵於太原

宋建隆元年夏相金均易商五州鼠食苗

二年正月商州鼠食苗

太平興國七年十一月岳州鼠害稼

九年京西鼠獻白鼠二

鼠食苗
鼠食苗

紹興十六年廣州清遠縣韶州翁源縣英德府真陽縣鼠食稼
千萬為群時廣東久旱凡羽鱗皆化為鼠有獲鼠於田者腹猶
蛇紋漁者夜投網以視數百鱗皆鼠自夏徂秋為患數月方息
歲為饑

乾道九年隆

寬政戊午



